

DISSERTATIO
DE
ANTIQUA
PRUSSORUM
REPUBLICA.

A primis ejus incunabulis usque ad
An. M. D. XXV, quo Albertus Marchio Brandenburgi-
cus, positis Ordinis Teutonici insignibus, habitu & nomine,
Prussiam titulo Ducis obtinuit.

Consensu Amplissimæ Facultatis Philosophicæ
In Illustri Albertina

Sub PRÆSIDIO

M. CHRISTOPHORI Hartknochen/
Passenheimensis Prussi,

Publico Eruditorum examini expedita

Ab

HENRICO FRIDERICO à RIPPEN

Nobili Prusso.

Ad diem Febr,

An. M. DC. LXXVI.

horis locoq; solitis.

REGIOMONTI, Ex Typograph. Reichiana.



GENEROSO & MAXIME STRENUO
DOMINO,

D. HENRICO
à RIPPEN,

Hereditario, Domino in Percfau
&c. &c.

Exxvi 307 not. tylkō Thres.

Fatuo suo omni observantiae cultu & tam
proseguendo

D.D.D. HENRICO à RIPPEN

HENR. FRID. à RIPPEN

I.

Antiquam Prussiae Rem-
 publ. paucis illustraturi, ut eò distinditus progre-
 diamur, ad quatuor migrationes iam alibi à nobis enumera-
 tatas respiciamus necesse est, cum variantibus populis vari-
 arit & ipsa Republicæ forma. Inter illas migrationes
 prima fuit migratio *Venedarum sive Venedorum* (utrumq;
 enim occurrit apud Scriptores antiquos) qui alias dicti sunt
Slavi: Secunda *Gothorum*, qui fuerunt *Germani*: Tertia
Lithuanorum: Quarta iterum *Germanorum* sub Ordine
 Teutonico. Fuerunt quidem plures forsitan migrationes
 huc in Prussiam suscepit, illæ tamen quas modò enumera-
 rimus fuerunt præcipue, quæ gentem in Prussia repertam
 in suam linguam & mores traxerunt; licet negari non pos-
 sit, sedcedentes etiam populos aliquando non præcata traxi-
 se ex moribus populi præcedentis. *Venedi* regionem hanc
 habuerunt antè Christi natum tempora, eorumque populi fu-
 erunt *Galindæ*, *Sudenii*, *Stavani*. Vid. Ptolem. lib. III. Ge-
 ogr. cap. V. fol. 8 r. seq. *Gothi* itidem antè Christum na-
 tum huc sunt ingressi, & tenuerunt partem tantum septen-
 triionalem sive maritimam, *Venedis* adhuc ipsorum tem-
 pore partem habitantibus Australiem. Hos Goths etiam
 post Christum natum hic habitantes Tacitus aliquique sub no-
 mine *Æstiorum* describunt. *Lithvani* quo tempore Prus-
 siam intrarint non una est Authorum sententia. Alij hoc
 referunt ad tempora Valentiniani I. Imp. ut Erasmus Stel-
 la lib. II. Antiq. Boruss. & Albertus Wijuk Kojalowicz

A

Part..

Part. i Hist. Lithv. lib. i. pag. 10. seq. Alij hoc referunt ad initium Sec. VII. ut Alexander Gvagvinus in Descript. Prussiae Nos etiam serius hanc migrationem contigisse creditimus. Nam Sec. VI. Theodoricus Rex Gothorum in Italie adhuc Hæstis sive Aestijs gratias agit pro succino è Prussia sibi misso, apud Cassiodorum lib. V. Variarum. epist. 2. Jorā nandes etiam ejusdem VI. Seculi Scriptor Orientalem Vulnus ripam (forsan etiam in Prussia nostræ parte Occidentali) Venedos sive Slavos accoluisse testatur lib. de Rebus Germanicis. Tandem Ordo Teutonicus accessus est in Prussiam à Conrado Masoviæ Duce, Lesci Albi Ducis Polonie fratre, Sec. XIII. Anno 1226. sub Hermanno à Salza quarto Ordinis Teutonici Magistro.

II. De primis autem populis, nempè Venedis & Gothis pauca tantum dicemus, cum obscuræ sint gentium illarum res gestæ, & pauca, imò ferè nulla jam reperiantur earum gentium apud nos vestigia. VENEDOS inter Scythes esse numerandos vix dubitari potest. Scythes vero in genere sic describit Epitomator Trogi Justinus: Nec domus illis ulla, aut tectum, aut sedes est, armenta & pecora semper paucentibus, & per incultas solitudines errare solitus. Vxores liberos q̄ secum in plaustris vehunt: quibus corijs imbricum hyemis causa tectis pro domibus utuntur. Justitia gentis ingenys culta, non legibus. Nullum scelus apud eos furto gravius. Aurum & argentum non perinde ac reliquim mortales appetunt: Lacte ac melle vescuntur. Lane ȳs usus ac vestium ignotus, & quamquam continuis frigoribus urantur, pellibus tamen ferinis aut murinis utuntur. Hec Justinus lib. II. Hist. cap. II. Conf. Herodot. lib. IV. Diodor. Sicul. lib. II. Strabo VI. Mela II. cap. 1. In specie vero de Venedis Scythicis gentibus antea Sinum Venadicum i. e. mare

mare Balticum aecolentibus, an sint ad Germanos, an ve-
rò ad Sarmatas sive Slavos referendi, dubitabat Tacitus.
Non autem hac de re eapropter dubitabat, ac si negare
voluerit, hos populos originem suam debere Sarmatis (hoc
enim ipsam concessum fuisse puto) sed quia mores Ve-
nedorum à Germanorum moribus ob vicinitatem non
multum dissimiles esse videbat. Ideò de illis dicit: Peu-
cinorum, Venedorumq; & Fennorum Nationes Germanis an
Sarmatis adscribam dubito: Venedi multum ex moribus
(Germanorum) traxerunt. Nam quicquid inter Peucinos
Fenosq; Sylvarum & montium erigitur latrocinijs perer-
rant. His tamen inter Germanos potius referuntur, quia &
domos figunt & scuta gestant, & pedum usu ac perniciate
gaudent, qua omnia diversa Sarmatis sunt in plaustro equo q;
viventibus. Lib. de Morib. German. cap. XLVI. Ex his ita-
que cognoscimus Venedos nostros cæteris Sarmatishuma-
nam Societatem magis amasse, & ad Rempubl. constitu-
endam fuisse magis idoneos Qualis autem inter ipsos ob-
tinuerit Respubl. ex allegatis Taciti verbis nondum distin-
ctè colligitur. Propius ad propositum nostrum faciunt ea
qua de Slavis Vistulæ ripam orientalem tunc aecolentibus
i. e. de Venedistradidit Seculi VI. Scriptor Procopius: An-
tarum, ait ille, Sclavinorumq; Nationes non ab homine ali-
quo uno reguntur: Sed AB ANTIQVO plebeja communiq;
libertate vivunt, & idcirco res omnes, que vel utiles sint vel
forè difficiles in commune Consilium deducuntur. lib. III. de
Bello Goth. cap. VII. p. 542. Imò cum Slavi Vistulam
transgressi multas Germanorum ditiones occupassent, ni-
hilominus quidam ipsorum pristinam retinuerunt Reipubl.
formam. De Lutitijs Slavicis populis Dithmarus Mersbur-
gensis Sec. XI. Illu, inquit, Dominu specialiter non praesides

ullus. Vnanimi Cōsilio ad placitum suimet, necessaria discu-
sientes, in rebus efficiendis omnes concordant. Lib. VI. Hist.
pag. 136. Imò & aliæ Slavicæ sive Venedicæ gentes, licet
Vistulam transmittentes sibi Dūcem migrationis elegerint,
postea tamen aliquoties ad pristinam aliquo modo aspira-
ſe libertatem leguntur, ut constat ex Historia Polonorum,
qui defuncto Lecho statim sibi duodecim erearunt Palati-
nos, quod etiam factum est, postquam Venda Virgo seip-
sam in Vistulam amnem præcipitasset. Constat itaque Ve-
nedos Vēteres Statum Reipubl. Popularem habuisse.

III. De GOTHORUM tunc temporis hodiernam Pome-
raniæ partem habitantium Republ sic scribit Tacitus: Trans-
Lygios Gothones regnantur, paulò jam addictius, quam ce-
teræ Germanorum gentes, nondum tamen supra libertatem:
Protinus deinde ab Oceano Rugijs & Lemovij: omniumq; ha-
rum gentium insigne, rotunda scuta, breves gladij, & erga
Reges obsequium. De moribus Germ. cap. XLIII. Aestios
autem (i. e. Gothos jam antiquioribus temporibus in Prus-
siā ex Pomerania transgressos) sic describit: Dextro-
Suevici maris littore Aestiorum gentes alluuntur, quibus
ritus habitusq; Suevorum, lingua Britannica propior, ma-
trem Deum venerantur: Insigne superstitionis formas Ap-
prorum gestant. Id pro armis omniumq; tutela securum
Dea cultorem eiam inter hostes præstat. Rarus ferri, fre-
quens fustium usus. Frumenta caterosq; fructus patien-
tius quam prosoluta Germanorum iuertia laborant. Sed &
mare scrutantur, & soli omnium hominum succinum, quod
ipsi Glesum nominant, inter vada atq; in ipso litore legunt.
Ibid. cap. XLV. Ex his quidem non apparet, an Aestii, cum
Gothis ijdem fuerint, alia tamen multa sunt, quæ hoc nobis
placè persyadent: Interalia & conformitas Religionis Lith-
vano-

vanorum in Prussia postea habitantium cum Religione
Gothorum, quam sine dubio à Gothis & Aestis didicerunt. Quodsi autem Aestij ijdem sunt cum Gothis, non est
etiam dubium, quin illi eandem Reipubl. formam habue-
rint. Nempe verisimile est illos initio Regulos suos ha-
buisse, quorum tamen non infinita, sed limitata fuit in suos
potestas. Postea dieuntur (forsan cum suis Regulis) ab a-
lijs Gothis in hodierna Svedia habitantibus subacti esse. Vid.
Hugo Grotius in Prolegomen. ad Hist. Gothicam, & Van-
dalicam Prekopii aliorumque. Seculo post Nat. Chr. VI.
miserrunt Aestij ad Theodoricum Regem Gothorum Le-
gatos in Italiam, ex qua Legatione tamen colligi non pot-
est, an habuerint Regem suum, vel etiam plures. Hæstis e-
nim tantum inscribitur epistola Theodorici supra allegata.
Erasmus tamen Stella illos dicit habuisse Regulos suos in
Sudinia usque ad tempora migrationis Lithvanieæ. Lib. I.
Antiq. Boruss. in fin. Sed de his ut obscuris & incertis mul-
ta verba facere non attinet: Vid. Olaus Magnus in Hist.
Gentium Septentrion. Johannes Magnus in Præfat. ad Hist.
Gothorum Sveonumque. Joh. Loccenius in Antiq. Sveo-
Gothicis.

IV. Quod tertio loco LITHVANOS concernit, illi
ab initio populari libertate usi sunt, sed crescentibus inter
Lithvanos, veteresque Piussæ incolas odijs, commodissi-
mum est visum, ut ad unum devolverent Imperium. Reges
itaque sibi elegisse dicuntur, nempe Brutenum & Widewu-
sum. Widewutus postea decrepità iam aetate Prüssiam in 12
Ducatus inter filios dicitur divisisse. Nos utut non negaveri-
mus habuisse initio Populosex Lithuaniae accedentes Du-
cem aliquem migrationis suæ, illa tamen, quæ postea de Wi-
dewuto & Bruteno traduntur, aniles redolent fabulas. Vid.

Erasm. Stella in Antiq. Boruss. & Albert. Wijuk Kojalowicz Part. I. Hist. Lithv. lib. I. qui fusè Rempubl. Prussicam ejus temporis describat. Cetum est subsequentibus temporibus Prussos nullum habuisse Regem vel Principem, qui toti Prussiae vel etiam præcipua ejus parti præcesset. Testatur illud Sec. XI. Adamus Bremensis, qui de Prassis verba faciens : *Homines, inquit, cœrulei, facie rubea. & criniti, præterea inaccessi paludibus, nullum inter se Dominum pati volunt.* lib. de Situ Daniz pag. 147. Tres autem Ordines hominum in Prussia id temporis fuisse comperimus. *Primus Ordo* fuit *Principum* Prutenorum. Fuisse autem in Prussia Principes non paucos, cum Ordinis Teutonicorum milites Prussiam infestare coepissent, testantur passim Rerum Prussicarum Scriptores ; licet illi Principes non alii fuerint, quam Nobilium potentiores, qui plures subditos, extantioresque sub imperio suo habuerunt vicos. Ejusmodi Princeps fuit Hagel ille, qui tractum propè urbem Dantiscanam possedisse dicitur. Vid. Casp. Schüz lib. I. Chron. Pruss. fol. 6. Principis etiam alterius cuiusdam Samlandis confederati mentio fit apud Schüzium lib. I. fol. 30. Ex eodem Ordine fuit *Gellens* Princeps, cuius sedes à Cruciferis solo æquata, postea ab iisdem reædificata, d'æque est Gellensburg & tandem Gilgenburg. Schüz lib. I. fol. 38. Soładimistarum quoque Principis meminit Vincentius Kadlubko lib. IV. Chron. Polon. cap. XIX. Præsertim autem in Sudinia ad mare Balticum fuisse plures Principes legimus apud Schüzium, quales fuerunt Wadole, Candigendam, Scurdo. Schüz. lib. I. fol. 41. & 42. Hos Sudinos Erasmus Stella tum fuisse ἀυτοχθόνας i. e. non advenas cum ceteris Lithvanis, sed adhuc ex gente Scandinavica oriundos eosque Regulossive Principes suos habuisse refert. lib. I. Antiq.

tiq. Boruss. in fin. Conf. & Hennebergerus in Tract. de Veteri Prussia pag. 18. Secundus Ordō in Prussia fuit Ordo Nobilium, qui dicebantur *Supani*. Henneberg. l. c. quo nomine & Poloni suos olim appellabant Nobiles, ut patet ex Chronicō Montis Sereni à Madeſo edito ad An. 1209. pag. 86. Nobilitatem autem fuisse hic potentem, præsertim apud Sudinos, cognoscimus ex Schützij lib. I. fol. 40. & 50. Tertius & infimus Ordō fuit Plebejorum, quibus etiam aliquando dabatur accessus ad iura Nobilium. Vid. Henneb. l. c. Ex his tribus Ordinibus Comitia celebrata fuisse non legitimus, sed quilibet Princeps & potentior Nobilis peculiarem videtur constituisse Rēpublicam. Quædam etiam provinciæ planè fuerunt populares. Nihil itaque his gentibus antè ingressum Ordinis Teutonici commune fuisse videatur præter solum Pontificem Maximum *Krive Kriveito*, sedemque ipsius *Romovē*. Ingruentibus autem periculis belli-
cīs Rēpublicæ populares eligere sibi solebant Ducem bellicum, sub cuius auspicijs hostem repellere possent. Qui populus Principem habebat, ille sub Principis sui Imperio bella gerebat. Si singuli populi hosti non erant repellendo, cum finitimi Principibus vel populis consilia conferentes fœdus pangebant. Totam aliquando Prüssiam ad bellum fuisse excitam asserere non audemus. Imo neque fœdus aliquod defensivum inter omnes Prussianas gentes intercessisse colligi potest ex eorum temporum Historia. Quod enim Chronicōn quoddam Anonymi MS. habet Ehweitum III. Prüssiæ Ducem ex omnibus Provincijs exercitum collegisse tempore Conradi Masoviæ Duci, hoc ut alijs Chronicis ignotum, ita etiam prorsus fictum existimamus. In singularibus autem gentium Prussianarum Comitijs magna fuit authoritas Weidelottarum, sive Sacerdotum utriusque

usque sexus, quodcunque illi rudi populo syadebant, illud
etiam facile persuadebant, adeò ut etiam in manifestam
perniciem sc̄ p̄cipitasseat Prussi, dummodò Deorum il-
lam esse voluntatem ipsis Weidelottæ sive ipsorum Burti
asseverarent. Exemplum nobis refertur à Petro Dusbur-
gio antiquo Historiæ Prussicæ Scriptore de Galindis. Hi
mira foeminarum fœcunditate in tantam multitudinem ex-
creverant, ut etiam locus desiceret, in quo sedes suas fige-
rent. Hinc obstetricibus injunxerant ut foemellas statim post
partum occiderent. Cum autem his Obstetrics morem
non gessissent, omnibus uxoribus suis mammas præcide-
rant, ne liberos lactare possent. Hac contumelia mulieres
irritatae, fatidicam quandam mulierem sive Weidelottam
accedunt, consilium quomodo illatam sibi injuriam ulcisci
possent rogantes. Illa convocatis omnibus Galindis, hoc
sibi à Dijs revelatum esse pronunciat, Deorum hanc esse
voluntatem, ut omnes Galindi inermes Christianorum Pro-
vincias depopuleantur. His auditis Galindi in Masoviam
irruptentes prædas agunt: Sed Christiani turbam inermem
adoriuntur, tantamque stragem edunt, ut vix nuncius cladi
illius superesset. Henneb. in Commentar. ad Tabulam Prus-
sia Geographicam, sive in Chron. fol. 135.

V. Verum ulterius progredi, & inquirere placet, quis-
nam fuerit *finis Reipublicæ Prussicæ* tempore Lithvano-
rum: Certum enim est, alias Respublicas respicere *hone-
stum*, verasque sectari virtutes: alias verò omne studium
collocare in *potentia & gloria bellica*: alias iterum in *ope-
ribus & divitijs* congerendis: alias tandem in sola *volupta-
te Summum bonum collocare*. Jam primò quod Prussi
Veteres pro fine Reipublicæ suæ non constituerint *divitiae*,
hoc facile appetet ex paupertate illius gentis, ex victu eti-
am &c

am & amictu vilissimo alijsque institutis. Quod victum
ipsorum attinet, docemur à Scriptoribus nostris elixarum
carnium apud ipsos nullum fuisse usum: Terram etiam
veteres Prussi minimè excoluere, vel ob ignorantiam rei
rustica, vel ne bonitate soli deprehensa & ipsi finitimorum
metui obnoxij fierent, indeq; eliminarentur, vel quod vi-
ctum è terrā nascentibus nondum novere, ait Erasmus Stel-
la lib. 1. An iq; Boruss. Quod victum è terrā nascentibus
nesciverint, testatur exemplum illud, quod varij Scriptores
referunt de Legatis à Veteribus Prussis ad Cruciferos Bal-
gam missis. Hi enim cum vidissent Cruciferos lastucam
& alia olera comedentes, renunciarunt suis, se cum Crucifi-
feris bella gerere non posse, cum illi jumentorum instar
etiam gramine vicitare, inque Sylvis ipsis vitam susten-
tare possint. Henneb. de Vet. Prussia & alij. Potus ipsorum
fuit aqua, lac equinum, & sanguis jumentorum, ut testatur
Scholiares Adami Bremensis ad pag. 150, num. 87. Idem
habent Johannes Dlugossus lib. II, Chron. Polon. ad An. 997
fol. 115. Erasm. Stelia lib. 1. Antiq. Boruss Ordens Chro-
nic fol. 29. b. Henneb. & alii. Postea etiam usus invaluit
cerevisiæ & mulsi. Martin. Cromer. lib. III, fol. 443. in
Corp. Hist. Polon. Imò postremis temporibus in sacris suis
nullo ferè potu alio, quam cerevisiâ usi sunt Prussi, ut satis
apparet ex Dissertatione nostra de Idolatria Veterum
Prussorum. Nec pretiosior fuit ipsorum vestitus. Videli-
cet utebantur tunicis brevioribus, panno ex cruda lana con-
fecto: tunicæ illæ, aut hic in Prussia conficiebantur, aut et-
iam (præsertim invalescentibus navigationibus) ex Ger-
mania navibus huc afferebantur. Testatur hoc Adamus
Bremensis l. c. Foeminæ Prussicæ lineas habebant tunicas.
Erasm. Stelia lib. 1. Antiquitat. Boruss. Calci Prusiorum

erant ex alburno (i. e. ex molliissima illâ arboris parte quæ
est inter corticem & lignum) quales adhuc hodiè apud
Lithvanos conficiuntur, aut etiam fuerunt ex crudo corio
confecti. Non dubitandum tamen est, quin honestiores
& nobiliores Prussi usi etiam sint vestibus ex preciosiori-
bus pellibus confectis, quarum hic copia magna fuit. Au-
diamus Adamum Bremensem: *Aurum, ait ille, argenteum &*
pro nîbilo ducunt, pellibus abundant peregrinis, quarum o-
dor nostro orbile biferum superbia venenum propinavit. Et
illi quidem ut stercorahac ad nostram forte habent damnati-
onem, qui per fas nefasq; ad vestem anhelamus marturam,
quasi ad summam beatitudinem. Itaq; pro lanceis in-
dumentis, qua nos dicimus Paldones, illi offerunt tam pretio-
sos martures. In lib. de Situ Daniae &c reliquarum Septen-
trionalium Regionum Num. LXXVII.

VI. Deinde *Virtutem* veram Prussos veteres non quæ-
sivisse, aut querere non potuisse satis docet ipsorum barba-
ties, qua impediti virtutem veram perfectè non agnove-
runt. Quamvis solo naturæ ductu multas etiam excolu-
erint virtutes, ita ut multis politioribus gentibus palmarum
præcipere possent. Laudat in ipsis Adamus Bremensis hu-
manitatem, quâ complecti solebant in mari periclitantes &
a piratis infestatos: Laudat etiam in ijsdem avaritiam fugam,
& multò plura laudabiliora de ipsis diei posse affirmat, si sou-
lam Christi fidem amplectentur. I. de Situ Dan. p. 147. &c. of.
Stella l. 1. Antiq. Hospitalitatem Veterum Prussorum omnes
Scriptores nostri deprædicant. Nemini enim hîc licuit os-
tularim stipem emendicare, sed diiores pauperibus abunde
eibum subministrabant: præsertim autem liberalitatem su-
am exercebant in eos pauperes, qui hospitem nomine pro-
prio compellare poterant. Credebat enim hoc ipsis à
D. suis fuisse revelatum. Henneb. de Vet. Pruss. pag. 19.

Non

Non minorem laudem merebatur ipsorum in facinorosos
rigor. Homicidas illi capitali suppicio afficiebant. Si quis
Weidelottam sive Sacerdotem interfecisset, hunc interfici-
endipotestatem habebant omnes interempti cognati. Hen-
neb de Vet. Pruss. pag. 17. b. seq. Ex Grunov tract. 3. cap.
3. Fur primū virgis cædebatur, si verò iterū in furto es-
set deprehensus, tum fustigabatur. Terium in furto de-
prehensus, canibus objiciebatur devorandus. Schuz lib. 1.
fol. 3. b. Henneb. de Vet. Pruss. pag. 18. Adulteri combu-
gebantur, cineres verò combustorum in publicam sparge-
bantur viam, neque liberis ipsorum ad sacrum Weidelot-
tarum Ordinem patebat accessus. Henneb de Vet. Pruss.
pag. 17. b. His tamen non obstantibus veram illi virtutem
non sunt sectati, quod manifestè apparet ex humanis vi-
tis, quas Diis suis immolabant, ut & ex alijs barbarè fa-
ctis. Ut alia præterea, illud certè immanem redolet bar-
bariem, quod servos debiles, claudos vel senio confectos
soliti sint ex arboribus suspendere, ne gratis ipsis victum
subministrate cogerentur. Schüz lib. 1. fol. 3. b. Permisit
etiam Weidevutus filijs, ut parentes ob etatē aut mor-
bum laborijam impares strangulatione è vivis expunge-
rent, atque ita sese & domum impensis inutilibus expedi-
rent. Alb. Wijuk Kojalowicz. Part. 1. Hist. Lithv. lib. 1.
pag. 18.

VII. Porro primis à suo in Prüssiam ingressu tem-
poribus Lithvani non quæsiverunt etiam laudem bellicam.
Gens enim fera & Sylvestris ad justum bellum gerendum
minus idonea fuit. Nullus tum apud Prussos erat armo-
gum usus, sudibus vel fustibus tantum oblongis plumbo in-
fuso rigidibus hostes adoriebantur, habebant etiam alios
fastes breviores eadem ratione plumbo infuso graves, qui-

bus eminus hostem petere solebant. Henneberg. de Vet. Pruss. pag. 20 Postea verò bello à Polonis aliquoties pe-
titi, armā etiam sibi compararunt, quibus etiam successu
temporis adeò aspergiverant, ut postremis temporibus belli-
cam gloriam unicè quæsivisse videantur. Hinc etiam varia
apud ipsos instituta bellica fuisset legitimus. In bellum pro-
fecturi Duxem sibi strenuum eligebant, quales sub ingress-
sum Ordinis Teutonici fuere Pyopsō Ermelandensium Dux
apud Schütz fol. 20. med. Scumandus Dux Sudinorum.
Schütz. lib. 1. fol. 41. & alij. Tum capiebant ab hostibus
hominem, cuius pectus Summus ipsorum Sacerdos Crive
Criveito, captandi ex sanguine profluente ominis causa, ape-
riebat. Henneb. de Vet. Pruss. p. 20. In ipso bello id age-
bant, ut hostem insidiosè circumvenirent. Testatur id de
Prussis Vincentius Kadlubko, cuius hæc sunt verba : *Intre-
pidi (Poloni) bellum quarunt: diu quæsitum nusquam re-
periunt, cunctus hostium (i.e. Prussis) in delubris ac spelunc-
eis delitescitibus, non tam timor pusillanimitate, quam
cautela industria. Sicut enim in arte exercitatisimi, sed
in plano nulli, plus arte, quam viribus, plus audaces teme-
ritate, quam animi virtute.* Hæc Kadlubko lib. IV.
Chron. Polon. cap. 19. Conf. lib. III. Epist. 31. pag. 375.
Callidum ipsorum in excogitandis artibus bellicis ingeniu
elucescit tum ex alijs, tum ex illa clade, quam Polonis in-
faterunt sub Boleslao Crispo Duce. Vid. Vincent. Kadlub-
ko lib. III. epist. 31. pag. 374. seqq. Neugeb. lib. III. pag.
167. seq. In defensionibus castellorum solebant Vet. Prussi
insignia sua munimentis infigere, ut ab hostibus conspici
possent, ut factum est in defensione arcis Slemmo, quam
Pipinus Prutenorum Dux in lacu condiderat. Habuerunt
autem Prussi in insignibus suis duas coronas sibi invicem .

oppo-

oppositas. Vid. Thomas Waisseius in Chron. Pruss. sub Conrado Landgr. Hassiae Ordinis Teutonici Magistro. Si victoriam ab hoste reportarunt, captivis omnibus trucidatis, prædam in quatuor partes partiebantur. Prima Dijs, Secunda Kyrwayæ & Weidelottis, tertia amicis & viciniis consecrabatur, quartam autem ipsi inter se dividebant. Henneb. de Vet. Pruss. pag. 21. Ex hostibus primarium aliquem Ducem captum eō modō Dijs suis immolabant: Nempe solebant ipsum loricā & armis consuetis induitum proprio equo imponere, & pedibus equi ad diversas arbores alligatis comburere. Ordens Chron. fol. 110. Si plures essent ex primatijs captivis, sorte désignabatur Dijs immolandus. Henneb. de Vet. Pruss. pag. 8. b.

VIII. Tandem restat ut videamus, an Prissi illi gentiles à Lithvaniis oriundi voluptatem pro fine Reipubl. suæ agnoverint. Posset quidem hoc alicui improbabile videri, gentem illam in tantâ paupertate & motu asperitate voluptates potuisse sectari, præfettim cum ex superioribus constet, vietum eorum fuisse simplicem & minimè delicatum. Nos tamen non dubitamus, quin primis ab ingressu in Prissiam temporibus, Lithvani, brutorum instar ad saginam ventris abjecti, voluptatum illecebras sint sectati. Nam quod terram non excoluerint, causa fuit. (præter supra assignatas) ipsorum ignavia. Ebrietati quoque, si ulla gens alia, maximè fuerunt dediti, adeò ut nullum se officium in amicum & hospitem crediderint contulisse, si ebrium illum non viderent. Johan. Dlugoss. lib. 11. Hist. Pol. fol. 115. Fuerunt autem non viri solum ebrietati dediti, sed etiam feminæ. Dlugoss. l. c. Cromer. lib. III. fol. 443. Henneb. de Vet. Pruss. p. 19. a. Exemplum hujus rei habemus apud Hennebergerum, qui aliquando deceam mulieres Sudavicas

uno

anno tempore integrum dolium cerevisia exhausisse refert, in Chron. fol. 445. Imò potu sanguinis equini illos inebriari solitos, testis est Scholiastes Adami Bremensis l. c. Solebant etiam Prussi baneorum usu penè quotidiano lastrudinem labore vel intemperantia & ebrietate contractam depellere, indeque excalfacta corpora aqua immergere aut abluere. Dlugoss. & Cromer. ll. c.c. Porro & ex alijs finem hunc Reipubl. Prussicæ Veteris cognoscimus. Non enim ut Germani antiqui unâ uxore fuerunt contenti, sed licuit ipsis plures sibi adjungere. Quidam enim dicunt nullum fuisse finitum uxorum numerum, sed licuisse ipsis tog uxores ducere, quod emere & sustentare potuerunt, quas deinde ancillarum loco habebant. Dlugoss. l. c. Matth. à Michov. lib. II. Chron. Polon. cap. VIII. fol. 26. Cromer. lib. III. fol. 443. Idem in quibusdam Chronicis Prussicis asserti videtur. Schuz fol. 3. b. Alij tres tantummodo uxores potuisse sibi Prussos emere, sibique adjungere assertunt, quibus alternatim usi esse dicuntur, & quidem vel in publico. Henneb. de Vet. Pruss. pag. 16. Alij à Weidewuto monogamiam fuisse institutam assertunt, ut Martinus Murius in Chron. Pruss. cap. II. pag. 3. fin. Alb. Wijuk kojałowicz Part. I. Hist. Lithv. lib. 1. Quæ forsitan ita conciliari poterunt, quod antiquitus hoc fuerit institutum, postea verò fuerit neglectum, ita ut potentiores ducerent uxores quot vellent, alij autem plebeji definitum numerum exceedere prohiberentur. Inter illas plures uxores una honoratio erat, præsentim si ex genere Seandinavico sive Gothico fuerat oriunda. Henneb. de Vet. Pruss. pag. 16. Norvegam apud ipsos licebat uxorem ducere, Henneb. pag. 17. quod ipsum & de Samogitis refert Matth. à Michov. lib. IV. cap. XLV. Præterea Vidua quæ nullos habebat liberos,

beros, eo usque ab adolescentibus invisebatur, donec filium aut filiam peperisset, & tum in Sacrum Ordinem recipiebatur, ut fieret Weidelotta. Henneb. pag. 17. Viri defunctas uxores tantum per ostdium lugebant. Idem l. c. Tandem quæ uxor nolebat cum Viro cohabitare, poterat ad vivicomburum condemnari, ejusque sorores omnibus contemptui & ludibrio erant, ex ea ratione, quod non docuerant sororem Dijs & Viro obedire. Henneb. l. c. Ex quibus jam manifestum est finem illius Reipubl. fuisse *Vorlupratem*, nisi quod postremis temporibus laudem etiam *bellicam* cœperint affectare.

IX. Sed accedamus jam ad ultimam G E R M A N O R U M migrationem. Cum Sec. XIII. Prussi Veteres conterminam sibi Masoviam continuis excursionibus infestarent, & *Conrado* Duci Masoviæ nulla spes superestet auxiliij à Duke Poloniæ impetrandi, instituit ille primò Ordinem Fratrum, ut dicebantur, de Dobrin, scuam Christiani Monachi Ordinis Cisterciensis & postea primi Ptuorum in traetu Culmensi Episcopi (Hunc enim Episcopatum Conradus à Cruciferis postea ad iuris instituisse fertur. Vid. Cromer. lib. III. fol. 434. Statist. Lubienski in Vita Viti Episcopi Ploccensis fol. 336. Operum. Neugeb. lib. III. Hist Polon. pag. 130.) Magister hujus Ordinis fuit constitutus quidam Bruno, à Christiano investitus. Fratres illi assumpserunt regulam fratrum Essiferorum in Livonia. Vid. Thom. Waisselius in Chron. Pruss. pag. 47: & alii. Polonici Scriptores referunt fratrum horum Ordinem non fuisse à Corrado institutum, sed ex Livonia in Prussiam evocatum. Vid. Johan. Dlugoss. lib. VI. ad An. 1224. Matth. à Michovia lib. III. cap. XXXIII fol. 86. Sed cum neque in his pta si dī quicquam invenisset Conradus Masoviæ Dux, Ordinem Teutonicum s,

Mao

*Maria ejusdem Christiani svasu evocavit, cui tum præcerat
Hermannus à Salza, quartus in Ordine Magister post pri-
mum Henricum à Walpot, Eâ verò Lege evocatos fuisse
Frates Ordinis Teutonici refert Cromerus Episcopus War-
miensis, ut, ubi Prussos devicissent, Culmensem ditionem
Polonis redderent; cætera verò, quæ de barbaris cepi-
sent arbitrio bonorum viorum ex æquo cum Polonis par-
tirentur. lib. VII. de Ortu & Reb. gest. Polon. circa fin. fol.
580. Cum Cromero facit & Author Chronicæ Prussici,
quod Wolffgangus Dietmarus Typographus Elbingensis
edidit, in Hermanno à Salza. Quidam autem ex Scriptori-
bus nostris negant tam duras Ordini Teutonico fuisse præ-
scriptas conditiones. Vid. Chron. Ordinis fol. 35. a. Schuz.
lib. I. fol. 17. Quoddam etiam Chronicon MS. concedit
eiusmodi pacta inter Conradum & Ordinem Teutonicum
fuisse inita, Conradum tamen antè mortem Cruciferos ab
horum Pæctorum religione absolvisse refert. Forsan dice-
re possemus, Pacta illa, quorum Cromerus mentionem fa-
cit, non fuisse cum Ordine Teutonico, sed potius cum Fra-
tribus de Dobrin antea institutis inita, quibus Fratribus (si
vera est Scriptorum Prussicorum relatio) Conradus ipsorum
Fundator facilè potuit adeo duras præscribere Conditi-
ones. Nobiscum facit etiam Petr. Dusburg. cuius nobis, dum
hæc scribimus, facta est copia.*

X. Sed iubet etiam paucis in prima Ordinis Teutonici
primordia inquirere, antequam ad alia progredamur. Scri-
ptores Prussici sequenti modo rem illam enarrant. Circa An.
1189. Cum in terra S. obsidio Ptolemaidis sive Accona (quæ
Germanis dicitur Acker) protraheretur. & multi Christiani
milites ex dysenteria laborarent, multi quoque à Sa-
racenis urbem defendantibus vulnerarentur, Cives quidam
Lubecenses & Bremenses, qui navibus eō venerant, Chri-
stia-

rianis auxilio futuri, velis navium in terra expansis, papilio-
nibusque erectis milites et gros colligebant ijsque quæ ad
sanitatem recuperandam faciebant largè subministrabant.
Dux Germanici Exercitus in oppugnatione illa fuit Fride-
ricus Dux Sveviæ filius Friderici I. Imperatoris, qui pium cl-
vium horum institutum conspicatus, communicato cum
ceteris Principibus (quorum tunc magnus in castris Chri-
stianorum erat numerus) consilio, Ordinem Teutonicum
Equitum institui suadet, qui curam Pauperum in Terra S.de-
gentium gerent, & Christianos contra Barbaros tueren-
tur. Re ab omnibus probata, conceditur Equitibus illis re-
Cens institutis ex Henrico Regis Hierosolymitan largitio-
ne Domus Hospitalis Hierosolymis, quæ domus S. Marie
dicebatur. Mittuntur etiam statim ad Imperatorem petitu-
gi, ut Ordinem hunc confirmaret, Privilegijs ornaret, Pon-
tificem etiam Rom. rogaret, ut suo quoque calculo eundem
faceret ratum. Et sic confirmatus est Ordo ille ab *Henrico*
VI. Imp. & Cœlestino III. Papa Romano. Exigua hujus
Ordinis, ut rerum omnium, fuerunt initia. Ab initio enim
40. tantum Equites in Ordine fuerunt numerati, quorum
primum Rex Hierosolymitanus, secundum Fridericus Dux
Sueviæ, alij reliquos usque ad quadragesimum crearunt.
Patriarcha verò Hierosolymitanus eos investivit in castris
ad Acconam. Ex his quadraginta deinde in Magistrum si-
ve Ordinis illius caput à Friderico Sveviæ alijsque Ducibus
electus esse dicitur Henricus Walpot von Pashenheim. vid.
Petrus à Dusburg, fol. 9. Item Regula Fratrum Ordinis in Praef.
J. Funccius in Comment. ad lib. X. Chronologiæ suæ ad An.
1189. Schuz. lib. 1. Chron. Pruss. fol. 15. & in Catalogo
Magistrorum Chronicis præfixo- & alii. Eodem modo
Ordinis hujus originem exponit Henricus Bangertus in No-

eis ad lib. III. Arnoldi Lubecensis cap. xxxvi. Sed his ceteris
trariatur authoritas Jacobi de Vitriaco, qui circa eadem tem-
pora Episcopus fuit Acconensis, historiamque suam usque
ad An. 1218. perduxit. Hie enim Ordinem Teutonicum
in ipso urbe Hierosolyma coepisse refert: Cum civitas san-
cta, ait Jacobus de Vitriaco, post predictam ejus liberatio-
nem habitaretur e christianis & multi ex Teutonicis causa
peregrinationis pergentes Hierusalem linguam Civitatis
ignorarent, inspiravit divina Clementia cuidam honesto &
religioso Viro Teutonico, qui incivitate cum uxore sua mo-
rabatur, quatenus quoddam Xenodochium de bonis suis con-
strueret, in quo pauperibus & infirmis Teutonicis hospitali-
zarem exhiberet. Confluentibus autem ad ipsum ratione com-
mercio lingue & nocti sibi idiomatis de gente illa multis pau-
peribus & peregrinis de consensu & voluntate Domini Pa-
triarche quoddam oratorium composuit juxta predictum
Hospitale in honore beatae Dei genitricis Mariae. Longo au-
tem tempore in magna paupertate tam de bonis suis quam
de his qua colligebat ex fidelium Eleemosynis pauperes in-
firmos procurabat. Quidam autem & maximè de gente
Teutonicorum predicti viri charitatem & meritum atten-
dentes omnibus renunciantes se & sua Deo & predicto Ho-
spitali tradiderunt ministerio pauperum, deposito seculari
habitu voto se adstringentes. Procedente autem tempore
cum non solum de inferioribus, sed de Equestri ordine & de
Nobilibus Alemannia Viris Deo devotis predicto Hospitali
se voto obligassent, paupertatem voluntariam & abjecti in
Domino Dei esse magis quam habitare in tabernaculo pecca-
torum eligentes; visum est ei Deo gratum esse & acceptum
& magis meritorum, non solum pauperibus infirmis serua-
re, sed insuper animas suas pro Christo ponere, & ab iniimi-

et fidei Christiana Terram sanctam defendendo Christo
et spiritualiter quam corporaliter militare. Unde regu-
lam & instituta fratrum militia Templi ita suscepserunt,
quod opera pietatis & Deo amabilem hospitalitatem non re-
tiquerunt. Hæc ille lib. 1. Hist. Hieros. cap. LXVI. Eadem
habet Marinus Sanutus Torsellus Patricius Venetus lib. III.
Part. VII. cap. III. Describunt hi post hæc expugnationem
Accœnæ, sed nullam faciunt mentionem Ordinis instituti.
Vid. Jac. à Vitriaco ultimis capitibus libri primi, & Sanu-
tus Lib. III. Part. X. Conf. & Polydor. Vergil. lib. VII. de
Inventorib. rerum cap. V. & Jac. Gretserus Tom. II. de
Cruce lib. II. cap. xv. Alii adhuc aliam hic fovent sen-
tentiam, qui in ipsa urbe Acconensi putant Ordinem hunc
institutum esse, post ejusdem expugnationem, ut ex tem-
pore ab ipsis annotato colligere licet. Nam Siffridus Pre-
sbyter Misnensis in Chron. ad An. MCCXII. dicit: In Aca-
carone (Accone) caput Ordo fratrum Teutonicorum. Inter
Scriptores Germanicos à Pistorio editos fol. 694. Author
Compilationis Chronologicæ apud eundem Pistorium ini-
tium Ordinis hujus refert ad An. MCC. fol. 738. Paulus
Langius in Chronico Citizeni refert hoc ad An. MCCCIV.
Ptolemais autem jam antea Anno videlicet MCCC. Sar-
cenis crepta est. Nos hic Jacobo de Vitriaco & Marino
Sanuto ferè ad stipulamur, quorum ille circa eadem tempora
Episcopus fuit Ptolemaidis, quæ & Accona dicebatur. Ni
illas sententias ita conciliare velimus, ut dicamus, Ordinem
hunc Hierosolymis cœpisse; in expugnatione vero Acco-
nensi confirmatum esse; in Urbe tandem Acconensi ma-
xima incrementa sumpsiisse, ita ut jam expeditiones pu-
blicas contra hostem suscipere posset. Hinc itaque alij
initium Ordinis referunt ad prima ejus incunabula, alij ad

illa tempora, quibus confirmatus est, alij tandem ad illa tempora, quibus toti ferè Europæ innotuit.

XV. Jam ad ipsa Fratrum Ordinis Teutonici instituta, eorumque deinde Rempublicam accedemus considerandum. Magnam autem eorum partem cognoscere possumus, primò ex *Regula* Ordinis, deindè ex *Legibus* Ordinis, tertio ex *consuetudinibus* Ordinis, & tandem ex specialibus quorundam Magistrorum *Legibus*, quæ omnia reperimus in aliquot Codicibus MSS. in Bibliotheca Electorali assertatis. Quamvis negari non possit, Fratres hos multa contra Regulam, & alia Ordinis instituta, posterioribus temporibus fecisse. Primò autem enumerabimus ea, quæ totum Ordinem concernebant. REGULA Ordini huic à Co*lestino III.* Pontifice data, fuit S. Augustini, ut Fr. Menenius in Delic. Equestr. Funccius in Chronol. & alijs testantur. Secundum hanc Regulam omnes Ordinis huius fratres *cælibem agebant vitam*. A Colloquijs etiam cum mulieribus, præfettim junioribus, abstinere jubebantur. Imo neque propriam Matrem vel sororem ipsis osculari licet. in Regula Num. xxvii. Ad servitia tamen domestica quædam mulieres admitti permittuntur in Reg. Ord. num. xxxi. Vovebant etiam paupertatem. Qua de causa fratres Ordinis nihil proprij secundum regulam possidere poterant, nisi ipsis id à Magistro, alijsve Superioribus suis set concessum. Vidi Regula Ordinis num. i. Leges Ordinis num. V. seqq; Leges Contadi ab Erlichshausen pag. 109. & 110. Inde etiam cistas suas obserare prohibebantur ne quis pecuniam ipsis occultare suspicaretur. Reg. Ord. num. xxii. Quæ igitur possidebant, illa possidebant communis nomine Ordinis & Capituli, idque ob Aegrotos, Pauperes & Ordinis Equites sustentandos. Reg. Ord. num. II. Mitti etiam.

Etiam in Regula permittuntur, qui eleemosynas colligant ad
ægrotos curandos num. vii. Vovebant porro obedienti-
am, ut ex eadem Regula apparet. Præterea de pietate i-
psorum multæ etiam leges reperiuntur. Primus enim Or-
dinis hujus Magister instituisse dicitur, ut fratres singulis
diebus noctibusque ducenties Orationem Dominicam,
Symbolum Apostolicum & Salutationem Angelicam di-
cere. Vid. Reg. Ord. num. VIII. Henneb. in Chron. fol.
362. Thom. Waissel. p. 42. Dicitur quoque constituisse
ut fratres Laici punirentur tantum ab eo, qui secundus ei-
set à Magistro: Sacerdotes verò ab ipso Magistro, & qui-
dem occulte, nisi facinus enorme publicam exigeret pœ-
nam. Henneb. & Waissel. II. cc. Vid. de pœnis fratrum
plurima, in Legib. Ord. num. xxxiiii. seq. Septies quoque
fratres quotannis iussi sunt sacrâ synaxiuti (1) die Viridi-
um (2) Festo Paschatos, (3) Festo Pentecostes. (4) Fe-
sto assumptionis B. Virginis (5) die omnium Sanctorum.
(6) Festo Nataliorum Christi (7) Festo Purificationis
Marie. Vid. Regula num. ix. Huc etiam illud pertinet,
quod à Contrado à Feuchtwangen constitutum est, ut cel-
la fratrum semper patarent, p. 78. b. Id evim factum est
eo fine, ne quid mali in occulto fratres designare possent.
Conf. & p. 76. VESTIS fratrum hujus Ordinis fuit palli-
am album cruce nigra insignitum. Interiorem ipsorum tu-
nicam fuisse nigram, testatur Polyd. Vergil. lib. VII. de In-
vent. ier. cap. V. Singuli fratrum habere poterant duo in-
dusia, duas vestes interiores, duos paria caligarum, tunicam,
cappam, unum vel duo pallia. &c. Consuetud. Ord. Num.
xxxvi. Conf. Regula num. xi. Calces ipsorum erant sine
culo ornamento. Reg. n. xi. Conf. Leges Contr. ab Erlich-
hausen pag. 112. Arma auro vel argento decorata fratibus

non concedebantur. in Reg. n. xxii. Deinde Franc. Menennius notat fratres Sacerdotes Ordinis huius facultatem obtinuisse, ut sacra in armis facere possent, adeo ut de eisdem verè dicere liceat, quod Rodericus Archiep. Toletanus de suis proatis Equitibus: Qui laudabant in Canticis, accincti sunt ense &c. in Delic. Equestr. p. 35. seq. Sacerdotes hi tondebant barbas suas, quod tamen reliqui Equites facere prohibebantur. Vid. Reg. num. xii. & Leges Conradi ab Erlichshausen. p. 112. b. Ut ebantur porrò fratres omnes lecto stramentatio, Concessum tamen ipisis erat unum cervical. Leges Ordinis num. i. p. 41. Reg. num. xii. **CONDITIO & STATUS** fratum fuit, ut essent *Nobiles* & quidem *Germani*. Hoc tamen in Prussia non adeo strictè fuit observatum. Nam Sigefridus à Feuchtwangen xii. Magister Ordinis admisit etiam plebejos, dummodo essent integræ famæ. Henneb. in Chron. fol. 281. Neque illud quod de Natione Germanica diximus adeo religiosè observabatur. Nam Scumandus Dux Sudinorum, suscepta religione Christiana, factus est frater Ordinis. Schuz. lib. i. fol. 41. De Polonis postea dicemus. **AETAS** quoque Fratrum cognoscenda nobis est. Videlicet nemo recipiebarit in Ordinem ante 14. annum ætatis. Qui pueri proprio motu Ordini se tradebant, educabantur a fratribus usque ad perfectiorem ætatem, inde interrogabantur, utrum vellent Ordini nomendare necne? Regula Num. xxx. **Corporis integritas** etiam in fratribus in Ordinem recipiendis requirebatur, quæ fermè omnia cognoscimus ex ritu investiendi Fratres, ut & ex ipsorum juramento. Describuntur hæc nobis in Regula Ordinis his verbis: Wenn der Meister und die Brüder das zu Rate werden / daß sie entwian wollent Brüder zu ir ordene / so suln sie senden einen
Bru-

Bruder zu seuen/ die da Brudere wollent werden us dem
Capitele/ der sie lere alsus. Alse sie kumen in den Cap-
itel/ daz si kunden vur dem Meister/ oder vur dem der
den Capitel heldet/ unde in bitten durch Gott/ das er sie
entsa zu dem Ordene ir sele zu behaldene. Und sal in
der Meister antwurten; Die Bruder haben uwer bete er-
horet/ ob ir nicht an u hat der Dinge die wir uch vra-
gen sullen-- ob ir uch in de keinen Orden verlobet habet.
Oder de keinem Wibe von de seinem Gelubde gebunden
sit. oder de keines Herrn eigen sit/ oder de keine Schulde
sit. oder de keine Rechnunge sit schuldec zu tunc/ davon
der Orden mochte bekumbert werden. oder de keine ver-
holne iuche habet/ unde were dirre Dinge de keinez/ der
wir uch vor geleget haben an uch. Unde saget ir uns das
nicht/ unde wurde wir es gewar hienach innen/ so ennoch
set ir unser Bruder nicht sin/ unde hettet den Orden ver-
loren. Si dicebant recipiendi se ab his omnibus liberos
esse, proponebantur ipsis sequentes conditiones: Das sie
den siechen globen zu dienene/ und das h. Land zu schir-
mene. Und andere Land die dazu gehoren vor den Dien-
den Gotes/ als verre so man sie heizet. Ob sie de kein
Ampf kunnen/ daz suln sie dem Meister sagen/ unde das
üben nach sinein Willen/ und nach ir mache. Sie suln
auch globen zu heline den Capittel/ und des Meisters heim-
lich Rat. Unde nicht zu varene von dñene Orden/ ane
Durlouib zu einen andern Lebene. His à Recipiendis ap-
probatis, dies ipsis probationis concedendi erant, si vero
Ordinem statim suscipere volebant, jubebantur digitis li-
bro impositis iurare: Ich enheize unde gelobe Kuschheit
meines Lubes/ unde ane Eigenschaff zu sine und gehorsam
Gote und S. Marien/ unde uch Meistere dñ. Didens

des dütſchen Huses und iuren Nachkommen/ nach der Re-
gela und der Gewohnheit des Ordens des dütſchen Hu-
ses. Daz ich euch Gehorsam will ſin biß an minen Tod.
His peractis sacra synaxi utebantur, vespemque Ordinis à
Magistro vel alio fratre accipiebant. Additur deinde in
Regula. Den Brudern die man empfet zu dem Ordene
dene ſal man geloben Waffer unde Brot unde alde Cleis-
dere/ und das ſal man geben den Bruderem/ die ir Amt
nicht wollen üben/ also lange biß daz ſi uſ gerne üben &c.
Hec in Regula num. xxvi 11. Schütz in Chronico Prus-
ſia paulo aliter hæc recenset, quæ tamen brevitatis cauſa
cogitum omittere. Vid. Schütz lib. 1. fol. 15. **INSIGNIA**
Ordini Coelestinus III. P. R. dedit, *cruce nigræ in campo*
albo. Johannes verò Rex Hierosolymitanus hoc insuper
adjectit, ut liceret Ordini *cruce auream cruci nigræ à Pon-*
tifice concessæ inserere. Waſſel pag. 39. & 45. His Frider-
icus II. Imp. adjectit *Aquilam nigræ in campo aureo*
Waſſel pag. 46. Tandem Ludovicus IX. Rex Gallie à
Bello sacro reversus, auxit hæc Ordinis Inſignia 4. *lily,*
Sub Conrado Lantgravio Haſſe quinto Ord. Teut. Magistro
An. 1250. d. 20. Aug. Waſſel pag. 76. Ita verò Magistri
his inſignibus utebantur, ut ſinguli ſuæ familiæ inſignia
ipſis coniungerent, ut videre licet in Chron. Waſſeliſſ alii-
ſque MSS. **SIGILLUM** quod Ordini dedit Otto à Car-
pen II. dus Ord. Magister, ſic deſcribunt Hennebergerus &
Waſſelius: *Es war längliche mit einer Figur eines Esels/*
darauff ſah ein Bildniß der Jungſt. Marien mit dem
Kindlein Iēſu/ dabey ging Iosepp mit einem Stabe
und leitet den Esel/ die Umschrift des Siegels war: Das
ift das Siegel des Meifter- Amptes des deutſchen Haues
zu Jeruſalem in Comment. ad Tab. Pruß Geogr. fol. 364.

Waſſ-

Waissel. in Chron. p. 43. Testatur autem ibidem waissellus
ut os esse hoc Sigillo Magistros usque ad Fridericum Du-
cem Saxoniz penultimum Magistrum Prussiæ, quem hoc
Sigillum mutasse refert, secus atque Schützius opinatur, in
Chron. fol. 16. Videlicet ultimi duo Magistri utebantur
in sigillo solâ imagine B. Virginis cum puerulo Iesu. Quam-
vis & ante hæc tempora ejusmodi sigillo usi sint & alii, quod
ex Privilegio quodam Lud. ab Erlichshusen observavi. Alij
Magistratus Ordinis utebantur sigillo sibi à Magistro con-
cessio, prohibebanturque illud ministris tradere asservandum.
Reliqui fratres sigillum proprium non habebant, nec scri-
bebant ad alios, neque legebant ab aliis transmissas sibi li-
teras sine consensu Superiorum. Vid. Reg. Ord. num. XIX.
& Leges Dieterici ab Aldenburg, in eadem Codice MS. pag.
85. SEDES hujus Ordinis primaria ab initio fuit Hierosoly-
mis, secundum Jacobum de Vitriaco, secundum alios Acco-
na: Deinde Venetijs Postea secundum quosdam Marpur-
gum sedes Magistri fuit translata. Tandem Sigefridus à Feucht-
wangen XIIimus Ordinis Magister Sedem suam Mariaburg
gum in Prussiam transtulit.

XII. Hæc de illis institutis, que totum Ordinem con-
cernebant, nanc etiam in specie de præcipuis Ordinis hujus
membris quædam nobis dicenda erunt. Caput Ordinis erat
MAGISTER, ut initio appellabatur. Nam postea, cùm sub
Hermanno à Salza Ordo multis opibus & ditionibus esset
auctus, auctus etiam est titulus Magistri, ita ut non amplius
Magister, sed Generalis Magister (Hohemeister) dicere-
tur. Idque ad differentiam aliorum Magistrorum, qui ipsi-
us nomine Prussiæ, Livoniæ aliisque Provinciis præterant, &
dicebantur Provinciales Magistri. Eorum Magistrorum

D

Pro-

Provincialium præcipui fuerunt tres. Primus fuit *in Prussia*. Cum enim ab initio ipse Magister Generalis *Hermanus à Salze* auxiliorum contra Pustos. Veteres contrahendorum gratia in Germania degeret, creavit hic in Prussia Gubernatorem, sive Magistrum Provincialem *Henricum à Balke*, quem antequam Magistri generales Sedem in Prussiam transferrent, alijs sedecim sequebantur, usque ad *Henricum à Plozkō*, quo Magistratum hunc Provincialem gerente, *Sigefridus à Feuchtwangen* Magister generalis An. 1309. Sede in Prussiam translatā, provinciam hanc ipse per se administrare coepit, postquam eam Prædecessores ipsius, octoginta preter propter annis per Magistros Provinciales gubernassent. Secundus fuit *in Livonia*. Cum enim *Ensiseri* Equites Livonici hostium barbarorum impetum diutius sustinere non possent, petijt *Volquinus* ipsorum Magister, ut in Ordinis Teutonici consortum reciperetur; sed ipse Volquinus, ut vult *Waisselius*, interea mortuus est. Alij hoc triouunt *Adelberto Rigensi* Episcopo, qui, adjutoribus Engelberto & Theodorico Tisenhusis sibi cognatis, conjunctionis hujus Auctori fuisse dieitur. Vid. Fr. Menennius in Delic. Equestr. Hinc cum fratres Livonici albani vestem cum nigra cruce suscepissent, datus est ipsis An. 1238. ab *Hermanno à Salze* in Magistrum Provincialem *Hermannus Balke*, qui antea Prussia Magister Provincialis fuerat. Ex eo tempore fratres Livonici Magistrum Provincialem, à Magistro Prussia accipere solebant usque ad tempora Alberti March. Etandeb. ut postea dicetur. Tertius fuit *in Germania*. Cum enim Sigfridus à Feuchtwangen in Prussiam sedem Magistrorum generalium transfulsicer, ex eo tempore ipse & successores ejus Germanicas Provinceias gubernarunt per Magistrum

gistrum Provincialem. Præter hos fuerunt & alij Ordinis Teutonici Magistri Provinciales. Petrus à Düsburg, qui Anno 326. Historiam suam Prussicam Wernerio ab Urseln Magistro generali dedicavit, numerat septem ejusmodi Magistros, nempe *Livonia, Prussia, Teutonia, Austria, Appulia, Romania & Armenia*, in Chron. Pruss. fol. 8. Abrogatis deinde in Prussia Provincialibus Magistris solebant tamen postea & alii *Vices gerentes* sive *Gubernatores* non raro eligi. Videlicet quando Magister generalis ipse ad bellum proficisciatur, tum ne interea Provincia haec sine Rectori existens periculis bellicis objiceretur, solebat ex fratribus Ordinis aliquem Gubernatorem constituere. Sic tempore belli Tannebergici sub Ulrico à Jungingen XXIII. Magistro Ordinis, constitutus fuit Gubernator Prussiae Henricus Reus à Plauen Commendator Swczensis, apud Schuz. lib. III. Chron. f. 104. Conf. lib. VI. in pr. Deinde Magister periculo morbo decumbens, solebat uni ex fratribus sigillum suum tradere, ut illud futuro Magistro conservaret, quo ipso cum gubernatorem Prussiae denominabat: Si autem is Ordini non placebat, poterat Capitulum Ordinis post mortem Magistri alium eligere Gubernatorem. Vid. Consuetudines Ordinis. num. 1. & 17. Exempla videantur apud Henneb. in Chron. fol. 287. Waissel. in Chron. pag. 116. Ejusmodi gubernator etiam fuit Henricus Reus à Plauen, postquam Ordo in Regum Poloniae fidem An. 1466. concessisset. Ne enim ex Pactis Regi juramento fidem adstringere cogeretur, Vices gerentem non Magistrum se dici voluit per integrum biennium. Cudi etiam monetam jussit cum inscriptione: HENRICUS QVA VICE GERENS. Henneb. f. 200. Waissel. p. 245. Schuz. lib. VII. fol. 335. Quam-

vis verò ejusmodi Vicesgerens loco Magistri Provincie huic præfuerit, non poterat tamen præferri sibi curare clypeum & chlamydem Magistri, neque locum Magistri capiebat ad mensam vel in templo, ut habetur in Consuetudin. Ordinum. XXXIV.

XIII. Sed ad Magistrum generalem revertamur, ritus in eo eligendo usitatos enarraturi. Vicesgerens dicto modo, defuncto Magistro, constitutus, literis ad singulos Magistros Provinciales missis, diem Electioni futuræ præstribuebat, ad quam se Magistri Provinciales, substituto in suum locum alio, ex exteris regionibus in loco Electionis sisterent, cum socio ex Ordinis fratribus electo. Intercessiones defuncti Magistri in egenos distribuebantur. Alebatur quoque per totum annum pauper quidam pro anima Magistri; ut alias, fratre alio defuncto, ali solebat per 40. dies. Die Electionis appropinquate convocababantur fratres ad Electionem pertinentes. Ipso die Electionis missa celebrabatur: Leges deinde prælegi solebant: Quilibet frattum quindecim Pater noster orabat; Egenis 13. cibus præbebatur. Tum Vicesgerens e communi Consilio totius Conventus equitem unum eligebat in Commendatorem Electorum. Is Commendator eligebat sibi alium fratrem in collegam. Hi duo tertium postulabant, & hi tres quartum, & sic porro, usque dum numerus 13. Electorum completeretur. Inter illos unus erat Sacerdos, & Equites & quatuor alii fratres. Id verò agebant fratres, ut Electores singuli, si fieri potuir, essent diversarum nationum, ne gratia esset locus. Post hanc Electores juramento obstringebantur, quod in electione nihil nisi salutem publicam & Ordinis incrementum spectarent. Fratres etiam alii iurandum prestabant, de futuro

Magistro, qui ab Electoribus denominandus fuerat, sine mo-
ra recipiendo. Electores, si inter se aliquem ad hoc munus
idoneum viderent, jubebant ipsum paululum secedere, tum
sententias singulorum explorabant, & si fratrum ad eum e-
ligendum animos propensos conspicerent, mitiebant eum
ad Capitulum, rogantes, ut pro ipso aliis à Capitulo substi-
tucretur Elector: Si vero dicto fratri reclamaretur ab Elec-
toribus, revocabatur in Collegium Electorum. Primum
votum habebat Commendator, quem reliqui Electores
ex ordine vota dantes sequebantur. Pluralitas votorum
dabat Magistrum. Tum Electores ad Conventum genera-
lem reversi, Electum à se Magistrum fratribus populoque
fistebant. Hinc faustæ omnium acclamationes: Sacer-
dotes decantabant hymnum: *Te Deum laudamus*: Cam-
panæ pulsabantur, aliaque lætitia signa undique edebantur.
His ita peractis Viccgerens electum Magistrum ad altare
deductum munieris rectè gerendi commonefaiebat, tradens
(per se, vel per alium forsan fratrem) novo Magistro an-
nulum cum sigillo. Tunc Magister Viccgerentem, ut &
illum, qui sibi annulum & sigillum tradiderat, osculabatur.
Quod si electus Magister non erat praesens in loco Elec-
tionis, tantum in Conventu denominabatur, postea com-
modo tempore, cum se stitisset, inaugurandus. De his Vid.
Consuetudines Ordinis à num. I. ad x. Dignitas Magistro-
rum, Regiæ fermè dignitati equiparabatur, Vid. Petr. à
Düsburg in Chron. fol. 19. Titulorum tamén splendor
nullus erat. Primus Conradus à Wallerod XXI⁹ Magister
generalis cœpit titulum Dignitati suæ convenientem sibi
adscribere, ut aliorum Principum more nomini suo præfi-
ceret illud: *Nos Dei gratia*. Quamvis subsequutis tempo-
ribus

ribus neque hoc fuerit observatum, cum & post ea tempora titulum hunc reperire licet: *Nos frater N. N. Ordinis fratrum Hospitalis S. Mariae Teutonicae Domus in Hierusalem Generalis Magister.* In Conventu Magistro cum alijs fratribus accumbenti, id honoris exhibebatur, ut ipsi quatuor partes carnium & piscium darentur, ut eo melius munificentiam suam erga fratres poenitentes vel etiam alios exercere posset. in Legib. Ord. num. IX.

XIV. Magistrum vel ejus Vicesgerentem sequebantur EPISCOPI. Fuerunt autem sequentes. Nempe *Varmiensis*, cuius sedes antea fuit Brunsbergæ, postea verò Heilsbergæ: *Culmensis*, qui olim Varmensem anteibat teste Crome-
to lib. 2. Descript. Polon. p. 220. Hic Lubayiæ Sedem suam habet. *Pomezanienfis*, qui Sedem suam habuit Risen-
burgi; tandem *Sambiensis*, cuius sedes erat in oppido Fisch-
hausen usque ad Georgium Polenz, qui sub Alberto Bal-
gam concessit. Hos quatuor Episcopatus instituit *Innocen-
tius IV. P. R.* per Wilhelmm Episcopum Murinensem Leg-
atum suum. An. 1243. teste Petro à Dusburg. in Chron.
fol. 60. Quamvis *Culmensem* jam ante instituisse dicatur
Conradus Masoviæ Dux, ita ut hic non nisi confirmatio
Pontificia accesserit. Vid. Schuz. in Catal. Episcop. Culmens.
Chronicis præfixo. Fuerunt autem dicti Episcopi subjecti
Archiepiscopo Rigeni, ut Metropolitano suo. Vid. Franc.
Menennius in Delic. Equestr. Day. Chytræus in Saxonia lib.
1. fol. 18. Id etiam notandum est, non fuisse Episcopos
Prussiæ statim ab initio inter membra Ordinis numeratos,
sed eos successu temporis eò fuisse adductos, ut Ordinem
ingrederentur. Imò Episcopum *Varmensem* Magistri & ordi-
nis dominatum nunquam agnovisse, testatur Cromer. lib.
2. De-

2. Descript. Polon. p. 220. Hinc etiam factum esse puto,
quod in Regula, Legibus & Consuetudinibus Ordinis nulla
reperiantur Statuta de Episcopis. Pater id etiam ex Catalogo
Episcoporum Sambiensium apud Hennebergerum, ubi
Sigfridus III. Episcopus *Sambiensis* dicitur cum Capitulo suo
Ordinis regulam suscepisse in Chron. fol. 131. Legem de-
inde Conradus à Jungingen fixit, ne quis in Episcopum
Prussiae eligeretur, nisi fuerit Ordinis Teutonici frater. Wais-
sel. pag. 13. Conf. & pag. 132. Unde etiam, in Pactis An.
1466. cum Rege Poloniae initis, Episcopatus Sambiensis dis-
citur & in capite & in membris regularis, apud Joan. Janu-
szowium lib. VII. Constit. Polon. Part. 111. tit. 1. fol. 876.
In Livonia quoque Archiepiscopus Rigensis post varias
Contentiones & tumultus, tandem per publicam Pontificis
sententiam, assumptâ Ordinis veste, factus est regularis. Na
m Sylvester Toruniensis Prussus Archiep. Rigensis bullam h[ab]i-
bitus inter Archiepiscopos & Ordinem erexit, quâ perpetuo
se & successores ac Collegas suos eodem cum Ordine ha-
bitu usuros & fratres Ordinis fore professus est. An. 1451.
mense Julio. Vid. Albert. Cranz lib. IX. Wandal. cap. xxviiij.
Dav. Chytraeus in Saxonialib. 1. fol. 19. 20.

XV. Episcopos excipiunt PRÆCEPTORES (die Ge-
bietiger) alijque Magistratus, qui officijs publicis in hac Pro-
vincia, præter summum illud Magistri ipsius generalis, vel
etiam ejus Vicesgerentis præerant. Inter hos primus erat
Commendator magnus (Groß-Comphut) Cum enim, ut
supra diximus, Sigfridus à Feuchtwangen Magister genera-
lis An. 1309. ipse in Prussia præsens Rempubl. Prussicam
gubernare constitueret, sublatu Magistri Provincialis offi-
cio, aliud, nempe *Commendatoris magni*, officium substit-
uit.

uit, eique Henricum à Plozkó (antea Magistri Provincialis
munere, absente Magistro generali, functum) præfecit. Non
suisse autem Commendator s generalis officium ad certum
aliquid negotiorum genus restrictum, sed omnibus Con-
sulationibus ipsum ex æquo præfuisse, tradit Henneberge-
rus in Chron. fol. 281. & ex eo Waisel. p. 104. seq. Quæ
tamen secus sese habent. Nam Magno Commendatori
præter commune Consiliarij munus, aliaque, de quibus
paulo post dicemus, commissa fuit in specie cura thesauri,
frumentariorum, & navium. Fratres quoq; Sacerdotes, & lai-
ci, item ministri domi habitantes, ut & Opifices sub ipsius
fuerunt inspectione. Vid. Consuetud. Ord. num. XXX. In
ijsdem Consuetudinibus Consilium datur Magistro, ut pere-
grè profecturus Magnum Commendatorem potius, ut jam
omnium negotiorum gnarum, suo loco regimini præfici-
at, quam alium aliquem fratrem. Hæc tamen arbitrio Ma-
gistri permittuntur. num. xxxii. Habebat Commendator
Magnus in bello & in itinere fratrem Equitem & alium fratrem,
præter alios Ministros, qui ipsi comitarentur. num. xxxi Secu-
dus erat Marschalcus Ordinis, sive Marschalcus supremus
(Obersier Marschalek vel Cantmarschalek) qui sedem
suam habuit in arce Regiomontana. Eius erat rem bellicam
curare, quam ob rem ipsi secundum Magistrum subjecti e-
rant omnes fratres Equites. Hic fratribus procurabat ar-
ma & equos. Duos etiam fratres habebat comites, unum
fratrem equitem. & alium fratrem, præter Vice Marschalcum
aliosque ministros. Consuetud. Ord. n. xxiiii. Po-
terat quoque Marschalcus absens alium in suum locum sub-
stituere. Consuetud. Ord. n. XLV. Sine consensu tamen Magi-
stri non emebat equos, nisi necessitate urgente; non pot-
erat

rat etiam aliquem dimittere ab exercitu inconsulto Magistro. In bello itidem sine indultu Magistri hostem aggredi prohibebatur. Vid. Consuet. Ord. num. xxvi i. & seq. & n. LV. Ratione prærogativæ illud observatum fuisse legimus. Pacis tempore Commendator Magnus præcedebat Marschalcum, ipsiusque officii erat, absente Magistro & ejus Vicesgerente, Capitulum convocare. In expeditione vero bellica Marschalcus præcedebat Commendatorem Magnū, imò hic ab illius nutu dependebat, ut & ceteri Commendatores majores, nempe Trapiarius & Thesaurarius. Congregebat etiam Marschalcus Capitulum in expeditione bellica, si Magister & ejus Vicesgerens aberat. Et hæc in generalibus expeditionibus observabantur. Quando vero multi hostes erant reprimendi, tum sèpius Commendator Magnus à Magistro contra hostem missus munere Marschalci fungebatur. Imò hoc in universum notandum est, Commendatorem Magnum munia Marschalci, & contra Marschalcum munia Commendatoris Magni in absentia alterius obiisse. Consuetud. Ord. num. xxvi. & xxxii. Conf. Schuz. lib. II. fol. 76. b. Tertius in ordine sequebatur *Hospitalarius supremus*, qui Elbingæ, ut Commendator illius loci, sedem suam habebat. Ejus officium erat peculiare, curam gerere pauperum, alijsque Hospitalarijs inferioribus præscribere, qua ratione proventus ad Xenodochia pertinentes administrare tenerentur. Hospitalarius hic supremus non tenebatur rationes reddere redditum & expensarum, ut eò liberalior esse posset in ægrotos aliosque pauperes. Si vero sumptus deficerent in pauperes & ægrotos impendendi, Commendatoris magni erat, eos procurare. Consuetud. Ord. num. xxxii. Habebat Hospitalarius supremus suos *Hospitales*.

salarios inferiores, qui singulis Hospitalibus præerant. Quar-
tus fuit *Trapiarius*. (Trapierer) Hie secundum Henneber-
gerum & Waiselium præerat rei monetariæ. ll. cc. Ait John
Jacob. Speidelius putat Trapiarium curasse reca domesticam
damit in Küchen und Keller alle Notthurft verhanden sey.
In Speculo Jurid. Polit. Hist. Observ. in voce *Commenthus*
et en. Secundum Speidelium itaque Trapiarius idem erat, qui
Cul in æ præfctus vel etiam Dapifer. Verum nos de Officio
Trapiarij melius edocemur ex ipsis Consuetudinib. Ordinis,
qua Trapiario tribuunt curam rei Vestiariorum. Sic enim
Consuetudines illæ: zu des Trapires Ampte gehöret die
Traperie Wapen-Rocke. Spaldenir. Knilinge. Da-
nen. Wapen-Huben. Wapen/Hantsch/i Gürtele/ unde
andere Cleidere. Die sal der Trapirer den Brüderen
geben/ das gehöret zu sime Ampte. Die alden Cleidere
die er nach dem Winter von dem Brüderen usgenimet/
die sal er zu dem anderen Wintere behalten/ zu theilne gleich
dem Commendure unde dem Marschalke &c. num. xxxv.
Quando fratri alicui pannus dono mittebatur, poterat cum
retinore permittente Trapiario: Si vero pannus duobus pal-
lijs conficiendis sufficiebat, dimidiā partem frater Trapi-
ario tradere cogebatur. Consuetud. num. XL. Deinde Fra-
tribus ex Conventibus all' missis Trapiarius de viatico pro-
videbat. Leges Conradi à Feuchtwangen in Codice MS,
p. 78. b. Ex his etiam patet, quid sit sentendum de sententia
Joh. Limnæi, qui nomen Trapiarij derivat à Gallico *Trapez*,
& hoc iterum à Græco τραπέζα, unde trapczita: Tom. 1. Ad-
ditionum ad lib. VI. Jur. Publ. cap. II. uum. 57. Commodius
itaque Trapiar j' nomen derivatur à Gallicâ voce. *drap.*
quod pannum significat, unde *Drapier* est pannarius propo-
la &

la, & draperie est locus ubi patinus venditur, item vesseles ex
panno confectæ. Quintus fuit *Thesaurarius*, qui Germanicè
Tressler dicebatur. Tressel enim in Legibus Ordinis sumi-
tur pro loco ubi thesaurus reponitur. Quodnam fuerit offi-
cium thesaurarii, ex ipso nomine patet. Non assentior igitur
Hennebergero & Waisselio, qui dicunt Thesaurarium ex præ-
scripto Trapiarij pecuniam publicam administrasse. Reside-
bat thesaurarius semper in aula Magistri, ut eo facilius Magi-
stro sumptus necessarios suppeditare posset. Vid. Henneb. &
Waissel. II. cc. Conf. & Consuetud. Ord. num. xix. Coge-
batur autem thesaurarius, ut & alij Officiarij, singulis mensi-
bus rationes Redituum & Expensarum Magistro reddere.
Quodsi Magistro commodum tempus non erat ad rationes
audiendas, committebat hoc negotium Commendatori ma-
gno alijsque fratribus, quos Commendator sibi ad hoc nego-
tium adjungere volebat. Consuetud. Ord. num. xxxiiii.

XVI Præceptores hos maiores sequebantur *COM-
MENDATORES*, qui triplicis erant Ordinis. Alij enim
erant *Commendatores Provinciales*, (*Land Commissär*)
& sunt ferè idem cum illis, quos supra appellavimus Magi-
stros Provinciales, ut non solum ex Legibus Ordinis, sed eti-
am ex Petro Dusburgio patet. fol. 8. ubi septem fratres Com-
mendatores seu Præceptores provinciales enumerat, quos su-
pra inter Magistros Provinciales enumeravimus. Præter di-
ctos autem fuit etiam in Germania, ein *Land-Comptthur* der
Baleyn Elsas und Burgund & *Land-Comptthur* der *Baleyn*
Coblenz. Vid. Adam. Pisezki à Kranichsfeld, de statu Secu-
lari cap. xv. p. 421. & Speidel. I. e. In Prussia, quantum mi-
hi observare licuit, unus tantummodo post Magistrum Pro-
vincialem, fuit *Commendator Provincialis*, nimirum *Com-*

mandator terra Culmensis (Land Comptthur im Culmischen
Lande) qui Privilegium Culmense An. 1251. renovatum
subscriptis, antè Marschaleum Ordinis aliosque Commenda-
tores terræ Culmensis. Mentionem hujus Commendatoris
facit etiam Dietericus ab Aldenburg in suis legibus, ubi cum
sic describit: der an unser statt wird gelassen im Lande zu
Culmen. in Codice MS. pag. 88. b. Alij erant Commenda-
tores simpliciter ita dicti (Commenthur), quales fuere Cul-
mensis, Thoruniensis, Elbingensis, Dantiscanus, Regiomon-
tanus, Brandenburgensis, Balgensis, & alii plurimi. Muna hor-
um Commendatorum erat, mandata Magistri generalis &
Ordinis in suo districtu exequi, ut & Nobilitati eius distri-
ctus cum judice terrestri districtus illius (Landrichter) qui
fuit secularis Officiarius ex Nobilitate Prussica lectus, & cum
Notario terrestri, ius dicere. Vid. Schuz. lib. IV. fol. 168. b.
Tandem fuerunt etiam Commendatores castrorum, sive Pra-
fecti & Provisores arcium, item Castellani, ut in antiquis pri-
vilegijs appellantur (die Hauf-Comptthur). Inter eos Com-
mendatores primum videtur locum obtinuisse Commen-
dator Starkenbergensis in Culensi Provincia ad Ossam a-
mnem. Hi Commendatores habebant curam castrorum sibi
commissorum, assidebant quoque judicijs in quibusdam tur-
bibus, cum judice Civitatis. Et quidem Dantisci, quod mi-
rum est, locum Commendator Arcis à sinistro judicis latere
habebat, quod postea Commendatores illi ægrè fere-
bant. Vid. Schüz. lib. vi. fol. 267. a. Alibi etiam à Magi-
stratu civico dabantur appellatio ad Commendatorem ar-
cis, ut postea dicerur. Porro Commendatores & Castellani
habebant iterum suos Subcommendatores: an vero illud
in omnibus Commendis obtinuerit, non liquet. Præterea
& hoc

& hoc notandum est, quod inter Commendatores simplie-
citer ita dictos habuerint locum suum, *Advocatus Provincialis Samlandia in Schaken* (Landvogt auff Samland zu Schacken) & *Advocatus Samlandia in Fischhausen* (Vogg auff Samland zu Fischhausen) ut patet ex subscriptione Privilegijs eujusdam Regiomontanis à Conrado à Tierberg Magistro Provinciali An. 1286. concessi, ubi hic ordo in subscriptione observatur: Marschalcus Prussiae, Commendator Regiomontanus, Commendator Brandenburgensis, *Advocatus Samlandia* (Vogg zu Samland) Commendator Ragnitensis, & alij, apud Joh. Freiberg in Ehron. MS. Quamquam aliquando haec Advocatorum Samlandiae officia videantur fuisse sublata, administratione Samlandicæ Provincie Marschalcus supremo commissarius, ut colligi potest ex Privilegio ab Henrico Plavenio Magistro generali An. 1413. Samlandis dato, ubi haec habentur: Und würde jemand (ex Samlandis) zu Gebäuden bedürffen / der soll den Marschalc darumb zusprechen und bitten / oder einen Vogt / ob hernachmahls ein Vogt uff Samland gesetzt würde. Vid. Privileg. Pruss. p. 5. b. Commendatorum etiam titulo gaudebant alij Officiales, ut *Commendator minor* (der kleine Commendor) cui cura competebat rei domesticæ. Provi-debat enim omnibus castris eorumque defensoribus de vita necessarijs. Fungebatur etiam munere *Adilis*. Reparatio enim arcium aliorumque ædificiorum publicorum ad Commendatorem minorem pertinebat. Vid. Consuet. Ord. num. xxxvi i. Item *Commendator rei cibariae* (Speise Commendor) qui ut Promus Condus fratribus cibum & potum dividebat. Erat autem sub directione Commendatoris magni. Consuetud. Ord. num. LVII. Reliqua officia

minora strictim tantummodo commemorabimus. Erat
inter ea officium deß Schildknecht-Meisters, qui fratribus
procurabat ephippia, frena, strigiles & alia. Singulis die-
bus Veneris Capitulum habebat cum militibus. Consuetud.
Ord. num. XLI. Item erat inter Officiarios minores der Brue-
der vom Sattelhaus/ qui fratribus procurabat frena, alia-
que lora. Consuetud. n. XLII. Item der Bruder von der Flei-
nen Schmiede/ qui procurabat calcaria, stapedas & alia
num. XLIII. Fuerunt inter eos etiam die Convents-Herren
Pfleger/ Vogte/ Fischmeister/ Mühlmeister/ quæ tamen
officia non suo ordine recensemus. Hoc certum est fuisse
inter hæc officia, à quibus fratribus dabatur aditus ad summas
dignitates. Nam Henricus à Richtenberg ex Prefecto Piscer-
orum (Fischmeister) factus est Hospitalarius supremus, &
tandem Magister generalis. Henneb. in Chron. fol. 201.
Waissel. pag. 246. Joannes à Tieffen antea fuit Curator (Pfle-
ger) Schacensis, deinde factus Commendator Brandebur-
gensis, tandem ad summam Magistri generalis proiectus est
dignitatem. Nec prætereundum tandem est Officium ejus,
qui dicebatur *socius Magistri* (deß Hoffmeisters Compan)
Vid. Subscriptio Privilegij Samlandis, ab Henrico Plavonio
dati. Inter Privileg. Prussica pag. 5.b. Officij hujus origo hæc
esse perhibetur: Cum Wernerus ab Urielen Magister gene-
ralis esset interfactus, constituit Luderus Dux Brunsvicensis &
Magister generalis in Capitulo, ut Magistro eiusmodi soci-
us adjungeretur, qui à latere Magistri non recederet, sed re-
sponsa ejus nomine petentibus daret, & sic periculum à capite
Magistri averteret. Henneb. in Chron. fol. 286. Waissel.
p. 113. b.

XVII. Tandem fuerunt etiam alij Fratres Ordinis, qui
iterum

iterum varie dividebantur. Alij enim erant Sacerdotes, alijs
non Sacerdotes. Hi tursus erant aut Equites aut Latii. Con-
cedebatur enim per Regulam Ordinis ut in Ordinem reci-
perentur etiam seculares, non solum coelibes, sed etiam con-
jugati; Crux tamen tota in vestibus horum non exprime-
batur. Vid. Reg. Ord. n. xxxi i. Hinc etiam alibi Regula
dicta distinguit inter Priester Brüder / Pfaffen die nicht
Priester sind/ und Läyen. n. x. Agmen claudebant Novi-
tij, quos à reliquis distinguebat vestis adhuc secularis. Vid.
Reg. Ord. num. xxix. p. 32. b. fin. Conf. & Schuz. lib. II.
Chron. fol. 64. Deinde fratres Ordinis dividebantur in certos
Conventus, quorum singulos constituebant duodecim fratres
(secundum numerum 12. Apostolorum) quibus praeratus
nun Commendator, ut dicitur in Regula Ord. num. xxi r.
Deinde Winricus à Kniprode xix. Magister generalis isti-
dem constituisse dicitur, ut 12. Equites & 6. Sacerdotes Or-
dinis unum constituerent Conventum, singulisque Conven-
tibus unus praeset Commendator. Henneb. in Chron. fol.
290. Addit his Waisselius, sub eodem Kniprodo 30. ejus-
modi fuisse Conventus in Prussia numeratos. in Chron. p.
121.b. Ab initio instituti Ordinis 40. tantum fuerunt fratres.
Deinde Hermannus à Salza, qui primus Prussos genti-
les oppugnare ceperit, id unicè exoptavit, ut tantum 10.
fratres in praelium contra hostes armare posset, sed postea
numeravit in Ordine suo mille fratres, ut vult Henneb. in
Chron. fol. 366. Sed Casp. Schuz fol. 16. & Waissel. in
Chron. pag. 45. secuti Petr. Duisburgium & alium Anony-
mum ejusdem ferè cum Duisburgio etatis Scriptorem, di-
cunt duo fuisse fratum millia, videlicet in omnibus Pro-
vincijs Ordinis. Et enim eum Ordo in Prussia maximè flo-
rere

eret sub Conrado à Jungingen, non fuerunt multò plures,
quam mille fratres in Prussia numerati. Sic enim Waisse-
lius: In diesen Zeiten / war der Orden in Preussen sehr
mächtig / und alle Aempler waren wol besetzt. Erstlich
war der Hohmeister / zu nechst ein Groß- Commendator/
darnach ein Landmarschalck / darnach drey Bischöffe / acht
und zwanzig Commendators / sechs und vierzig Haub-Com-
mentors / ein nud achzig Spitzahl-Herren / fünf und dreissi-
g Convents-Herren / fünf und sechzig Kellermeister / sie-
ben und dreyyig Pfleger / achtzehn Vogte / neun und dreissi-
g Fischmeister / drey und neyndig Mühlemeister / hundert
und vierzehn alte frische Kreuzherren / sieben hundert ges-
meine Ritter-Brüder / hundert und zwanzig und sechzig Chor-
Herren und Kreuz-Priester / fünf und dreißig Thümpher-
ren / fünffund zwanzig Pfarrherren die das Kreuz hatten /
sechs tausen und zweihundert Dienstlechte und Gesinde.
Hæc Waisel, in Chron. p. 132. In hoc tamen indice non-
nulla desiderantur, ut ex superioribus facile appareat. Porro
neque hoc omittendum est, quod fratres hi sub Zölnero à
Rosenstein circa An. 1391. noluerint amplius dici Kreuz
Brüder sed Kreuz-Herren. Henneb. fol. 293. Waisel. p.
126. Scilicet potentia ipsis nihil moderata svadebat. Hinc
luxus, hinc varia flagitia, hinc Legum Ordinis contemptus
& impotens in subditos dominium. Facilius hæc cogno-
sceremus, si vera essent, quæ Casp. Schützius de luxu horum
fratrum refert. Eo enim jam rem processisse dicit, ut Conradus
à Jungingen XXIIIdus Magister legi coactus sit cavere, ne
Equites Ordinis singuli plures quam decem, neque Commen-
datores singuli plures quam centum equos alerent, prater
eos, quos ad agriculturam adhiberent. Schuz. lib. III. fol. 97

His

His tamen fidem derogant Statuta & Consuetudines Ordinis Teutonici, quæ longè minorem equorum numerum alijs Magistratibus majoribus, immo ipsi quoq; Magistro assignant. Vid. Consuetud. Ord. num. XLIV. & XLVII. Ut jam nihil dicam de Legibus Conradi à Jungingen in Codice Antiquo MS. contentis, ubi nihil tale reperitur.

XVIII. Sed jam proprius accedamus ad formam sacri hujus Regiminis in Prussia. Monarchiam hic absolutam sub Ordine fuisse, assertere non possumus. Nam quamvis Magister generalis Regia potestate Prussiarum præfuisse videatur, neque tamen liber fuit ab imperio superioris, neque suis simpliciter imperavit. Quod prius concernit, notum est Magistrum generalem cum suo Ordine fuisse tum *Pontificis Romani* quoad Ecclesiastica, tum *Imperatoris Germanici* quoad civilia, imperio obnoxium. Quamvis Pontifex non raro se etiam Politico regimini immiscuerit, adeò ut quidam Scriptorum nostrorum Pontifici imperium etiam Politicum tribuere videantur. Fatentur idem ipsi Cruciferi. Hi enim contra foedus Polonicum excipientes, se se sui juris non esse assertunt, cum omnes Provinciae & possessiones Ordinis immediatè Sanctæ Sedi sint subjectæ, apud Schuz lib. IX. fol. 408. b. Neque desunt exempla potestatis Pontificiarum hic in Prussia exercitæ. Ad regimen Ecclesiasticum pertinet illud, quod Episcopi injuriâ affecti ad Papam provocarint. De Wintico à Kniprode Vid. Waissel. p. 124. Deinde cum Hermannus à Grunbach Magister Provincialis duos Ordinis fratres comburi curasset, eò quod cum Prassis Veteribus contra Ordinem dira moliti essent, jussit Papa Magistrum generalem, ut Provinciale Magistrum removeret, Poenitentiamque ipsi in duos annos injungeret, ut habeat Joan. Frei-

berg in Chron. Pruss. fol. 27. sub Poppone de Osterna. Por-
tò cum Henricus à Riechtenberg XXXm⁹ Magistergeneralis
Episcopum Sambensem nomine Dietericum à Cuba in
carcerem coniici & è medio tolli jussisset, dicitur Sixtus IV.
Papa Rom. in hæc prorapisse verba : *Deleatur pessima illa*
nigra crux, maledictus enim Ordo, ubi Laicus regit super
Clerum. Iodè Magister coactus est coram Pontifice cau-
sam suam agere. Waissel. pag. 248. & 291. Regimen quo-
que Politicum sibi arrogabant Pontifices. Prussiam enim Feu-
dum Pontificis esse disertis verbis asseruit Legatus Pontifici-
us sub Ludovico ab Erlichshausen. Schuz, lib. IV. fol. 164.
b. Quod autem Magister Prussiæ Imperatori German. fuc-
rit obnoxius, vix dubitari potest. Cum An. 1335. sub Die-
terico ab Altenburg Magistro Prussiæ Ordini controversiam
movisset Legatus Pontificius de finibus Prussiæ, mandavit
Ludovicus Imperator Magistro, sub gravi poena, ne mini-
mam etiam portionem terræ, quam ab Imperio ut Feudum
possidebat, alienaret, neque alium judicem hac in re se in-
scio agnoscereret. Schuz lib. II. Chron. fol. 68. Varia deinde
mandata Imperatoris ad Magistrum & Ordinem missa ha-
bentur Vid. Schuz. lib. III. fol. 127. a. 130, a. seq. lib. IX.
fol. 410. Concessit etiam Imperator Magistro potestatem
vestigalia imponendi. Schuz lib. IV. fol. 146. b. pr. Agno-
verunt hoc imperium & ipsi Cruciferi. Vid. Schuz lib. IX.
fol. 400. lib. X. fol. 458. lib. II. fol. 85. b. Quamvis vero
Cruciferi ad judicium Imperatoris non raro provocaverint,
hoc tamen illis tantum temporibus facere solebant, quando
ab hostibus in angustias redigebantur; alias Imperatoris
authoritas hic fuit exigua. Ex eodem fonte fluxit, quod et-
iam Elbinga & Dantiscum urbes fuerint non secus atque aliæ

Libe-

Liberæ Imperiales urbes ad Comitia vocatæ, non alia de causa, quam ut hoc honore inescatæ imperio Polonico sese subtraherent Ordinique subjicerent. Factum hoc est sub Casimiro IV. Jagellonide Rege Poloniæ, postquam Prussi, ejus eto Ordine Teutonico, in fidem Polonorum concessissent, ut & postea aliquoties; sed dictæ urbes nunquam compa- ruerunt. Vid. Schuz. lib. IV. fol. 402.

XIX. Et sic patet non absolutum hic in Prussia Cruciferorum fuisse Imperium, adeoque non obtinuisse aliquam hic Reipubl. simpliciter ita dictæ speciem, utpote quæ non patitur superiorum. Videndum tamen est, quænam huic Provinciæ aliquo modo adaptari possit forma. Licet enim ei in stricta significatione Reipubl. nomen non competit, competit tamen eidem in latiori aliqua significatione. Hoc verò cognoscemus, si modo consideraverimus, quam hic inferiorum ratione Magister generalis habuerit potestatem. Hæc verò nimium quantum fuit limitata, non tantum respectu Ordinis sui, sed & respectu incolarum hujus Provinciæ. Quod enim primo loco *Magistri Provinciales* per Germaniā, & Livoniā aliasq; Provincias concernit, illi præterquam quædam Electionem Magistri generalis admittebantur (de quo Vid. Consuetud. Ord. num. II. Schuz. lib. VIII. fol. 361. Waigel. pag. 172.) habebant insuper in causis gravioribus Prüssiam concernentibus votum suum. Schuz. lib. IV. fol. 144 a. Conf. lib. VIII. fol. 362. b. Qua de causa etiam Magistri Provinciales aliquando in Prüssiam veniebant, quando Capitulum generale habebatur. Schuz. lib. IV. fol. 143. b. Privilegia quoque Prussica subscribebant. Vid. Schuz. I. IV. fol. 154. a. Et in Pactis Polonorum cum Ordine ratione Prussia initis expressè obligatur Magister & Ordo Teutoni-

eus in Prussia, ut Magistrum Provincialem per Germaniam
eò adducant, quo & ipse Pactis illis sigillum suum appendat,
apud Jan. Januszowium lib. VII. Constit. Part. III. tit. 1. fol.
856. Deinde respectu Praeceptorum Prussiae rursus non parum
limitata fuit Magistri generalis potestas. Non poterat ille
Magistrum Provincialem in Germania & Livonia constitu-
ere sine consensu Ordinis. Eligebat enim Magister Provin-
cialis in Capitulo Ordinis. Consuetud. Ord. num. XI. Waissel.
p. 92.b. Episcopos etiam Warmienses non eligebat Magister,
sed hæc potestas penes Capitulum Canonorum semper fuit,
ita ut etiam non denuntiatâ Magistro morte prioris Episcopi,
potuerint Canonici alterum in defuncti locum sufficere.
Schuz. lib. VIII. fol. 374.b. Deinde Praeceptores quinque Ma-
iores, ut & Castellorum Starkenbergensem non nisi in Ca-
pitulo Ordinis eligere solebat Magister. Alia Officia mino-
ra poterat cum suis Consiliariis conferre fratribus. Vid. Con-
suetud. Ordinis num. XI. pag. 131. seq. Porro Magister ex-
teros Magistros Provinciales invisens, si aliquem graviter de-
linquentem invenerat, potuit quidem cum Consilio fratrum
presentium Magistrum illum removere; aliisque substi-
tuere, ita tamen, ut ad Capitulum reversus novum illum Ma-
gistrum commendaret, ut aut confirmaretur, aut à Capitulo
alius surrogaretur. Si verò Magister eam rem ad Capitulum
deferre negligebat, poterat Capitulum etiam sine consensu
Magistri alium praeficere. Consuetud. num. xvi. Neque in
potestate Magistri erat pro libitu in unam vel alteram Pro-
vinciam excurrere, & Vicesgerentem pro libitu relinquere,
sed ad hoc requirebatur Consensus fratrum. Consuetud.
Ord. num. XV. Inde ne fratrem quidem alium Magistro li-
gebat in alias Provincias mittere sine consensu Praecepto-
rum Majorum aliorumque Fratrum. Ibid. num. XVIII.

Quid

Quid? quod ne ad privata quidem negotia expedienda fratre
trem peregrè abire volentem poterat Magister dimittere si-
ne Consensu aliorum. Ibid. num. **XVI**. Porro thesaurū non
fuit in potestate unius Magistri. Ad thesaurū enim unam
clavem habebat Magister, alteram Magnus Commendator,
tertiam Thesaurarius, adeò ut unus eorum sine ceteris duo-
bus thesaurū aperte non posset. Administratio itaq; thesaurū
erat penes Magistrum, Praeceptores quinque superiores, Com-
mendatorem minorem, unum Sacerdotem, unum fratrem
non Equitem, aliosque quos Magister sibi adjungere volebat
ad hoc negotium. Ibid. num. **XII**. Hæc & alia Vid. in Con-
suetud. Ord. à Num. X. ad XX. Tandem in omnibus consti-
tutionibus requirebatur Consensus Episcoporum Prussico-
rum. Schuz lib. V. fol. 191. b. Nec non aliorum Commen-
datorum. Vid. Leges Ludovici ab Erlichshausen in antiquo
Codice MS. pag. 114. b. Et ob hanc etiam rationem ab
ipso Magistro vocabantur, Praeceptores (Gebietiger) imò
etiam Compræceptores (Mitgebietiger) Imò tanta fuit
Praeceptorum illorum potestas ut etiam potuerint Magistrū
generalem dignitatem suā privatē. Constituit enim Gotofred.
C. ab Hohenloh Magister XImus in Capitulo Venetijs ha-
bito, ut si Magister à Capitulo citaretur, neque ad tertiam ci-
tationem compareret, dignitate privatetur. Vid. Leges hæ-
c in Cod. MS. pag. 78. b. Contigit id Ludolpho Rönic / Hen-
rico Reusso à Plauen, Sternbergio & Paulo Bellizero Magis-
tris, qui omnes ab officio remoti sunt. Vid. Waisel. pag.
141. & 145. & alij. Nihil itaque fermè Magister statuere
potuit sine Capitulo. Habebatur autem Capitulum singulis
annis loco commodò mense septembri in Festo Exaltati-
onis S. Crucis. Ubique etiam omnes Praeceptores Maiores qui à
Magistro & Capitulo dignitatem suam acceperant, officia
sua.

sua resignabant, illa denuo à Magistro & Capitulo recepturi.
Idem faciebat & alij Magistratus minores post Capitulū ha-
bitum coram Magistro & alijs, quos Magister sibi adjunge-
bat. Consuetud. Ord. num. XXI. In Consultationibus Capi-
tuli pluralitas votorum obtinebat. Si verò prorsus inter se
discordarent, tum iudicio Magistri acquiescere jussi sunt fra-
tres. in Regula num. xxvii.

XX. Tandem si *incolas Prussiae* consideremus, neque
illorum respectu absoluta fuit Magistri potestas. Statim e-
nim à primo Cruciferorum in Prussiam ingressu varia Pri-
vilegia fuerunt Prussis concessa, quibus potestas Magistri &
Ordinis jam limitabatur. Idque factum est eo fine, ut illa li-
bertate allesti Veteres Prussi jugo Cruciferorum humeros
sponte subjicerent, religionemque Christianam susciperent,
deinde etiam, ut Germani eò frequentiores in Prussiam com-
migrarent, eamque diligentius excolerent. Inter illa Privi-
legia maximum est *Privilegium Culmense* ab Hermanno à
Salza Magistro generali, & Henrico à Balke Magistro Prus-
siae Provinciali, incolis An. 1233. concessum. In eo nam-
que, ut alia præterea, Prussis immunitas ab omnibus ve-
ctigalibus concessa est. Renovavit illud Privilegium, An.
1251. Eberhardus de Seyne Praeceptor domus S. Mariæ
Teutonicorum per Alemanniam & Vicesgerens Magistri
generalis per Livoniam & Prussiam. Vid. *Privileg. Pruss. fol.*
1. seqq. Alia multa privilegia incolis tum fuisse concessa,
non est, quod dubitemus. Cum verò, crecente Ordinis in-
solentiâ, Privilegijs quoque Prussicis derogare Cruciferi coe-
pissent, multæ fuerunt turbæ excitatae, donec tandem An.
1414. primò constitutum est sub Michaeli Küchmeistero à
Sternberg, ne Magister cum Praeceptoribus haberet potesta-
tem statuendi quidvis pro lubitu, sed ut in gravioris momen-

ti

ti rebus *Consiliarios* sibi adjungeret, quatuor fratres Ordinis, decem præciuos ex Nobilitate, & ex Dantiscana, Thoruniensi, Elbingensi, Regiomontana & Culmensi urbibus binos Senatores, sine quibus nihil in iuribus Majestatis exercendis susciperet, ut habetur apud Schuz lib. III. Chron. Pruss. fol. 108. b. Henneberg fol. 303. Waisel. pag. 140. b. Sub *Paulo Bellizero à Rusdorff* Successore Sternbergij constitutum est à Magistro, Prælatis, Nobilitate & Civitatibus Anno 1430. Elbingæ, ut *Consilium Prusicum* constiuerent, Magister generalis, sex Præceptores sive Commendatores, sex Prælati, Sex Provinciales (die ven Landen) sex civitatenses (die von Städten) sine quibus nihil graviorum negotiorum belli pacisque tempore susciperetur. Hi autem Assessores ut eligerentur à Magistro & Statibus Prussicæ. Conventus horum Consiliariorum ut quotannis eommodo loco & tempore ageretur. Schuz. lib. III. Chron. fol. 117. seq. Porro An. 1433. idem Paulus Bellizer à Rusdorff elegit sibi in *Consiliarios* suos intimos præter fratres Ordinis, etiam quatuor ex Nobilitate Prussica. Postulavit etiam ut quidam in eundem secretiorem Senatum ex Urbibus sibi concederentur, quod tamen Urbes recusarunt. Eātamen conditione illi Consiliarij ex Nobilitate fuerint admissi, ne quid in gravioribus negotijs, ut in bellis, foederibus &c. decernerent sine consensu omnium Statuum. Schuz. lib. III. fol. 119. b. Ex eo quoque tempore bella suscepta, ut & foedera Magistri cum exteris Principibus sine Consensu omnium Statuum pacta, irrita fuere pronunciata. Vid. Privileg. Pruss. fol. 16. b. fin. Schuz lib. IV. fol. 136. lib. V. f. 185. pr. & 188. b. Abdicationes quoque Magistrorum aliquorumque Ordinis membrorum sine omnium Statuum consensu fieri non potuerunt. Schuz. lib. V. f. 185.

XXI. Ex dictis jam patet, quæ libertas Prussis fuerit illis temporibus ab Ordine Teutonico concessa. Sed & maiores fuisse Prussis immunitates concessas, colligere licet ex illorum temporum Historia. Nam quædam etiam, quæ alias ad Majestatis iura referuntur, illis competitse dicuntur. Primò enim licitum fuit Nobilitati & Civitatibus peculiares conventus agere, licet consensus Magistri non accesserit, quod etiam sibi concedi postulabant Status Prussiae Regiae, postquam se Regibus Poloniae subiecissent. Vid. Schuz. lib. IV. fol. 136. b. & lib. VIII. in pr. Huic tamen & antea opposuerunt se Cruciferi, nullatenus ipsis hoc de jure competere dicentes. Vid. Schuz. lib. IV. f. 136. & 177. Deinde Status Prussiarum sub Ordine Teut. potuerunt inter se Collectus in Conventibus à se institutis sine Consensu Magistri & Ordinis exigere. Schuz. lib. IV. fol. 179. b. Cui consuetudini itidem contradixerunt Cruciferi. Porro in iure judiciorum exercendarum magna itidem fuit Prussorum libertas. Dicitur quidem Henricus sive Winricus à Kniprode instituisse Marienburgi Consistorium quoddam, quod constabat ex aliquo ICTIS. Hi causas Sacras & Civiles eò devolutas judicabant, sed quoque usque se horum jurisdictio extenderit, divinare non possum. Vid. Schuz lib. II. Chron. fol. 73. b. Alias sic sese judicia in Prussia habuisse legimus. Usi sunt Prussi jure municipali quod Culmense vocatur. (Solæ Elbingensis, Brunsbergensis & Fraumburgensis civitates Lubecensem amplexxe sunt, vel secundum fortasse attulere, adeoque hi peculiare aliquid habuerunt. Vid. Cromer. l. 2. Descript. Pol. p. 216. & 228.) Quando causa non potuit in urbibus decidi, appellations instituebantur ad judicium Culmense (an den Schöppen-Stuhl zu Culm) ubi controversiae finiebantur sine ulteriori appellatione ad judicem superiorum. Postquam vero Cul-

Culma varijs hostium irruptionibus fermè fuit diruta, iudicium quoque illud dissipatum, mansit judicium supremum in singulis Civitatibus sine ulla Provocatione; tandem verò Appellationes fuerunt concessæ ad commune *judicium statuum Prusia*. Schuz lib. IX. fol 443. *Judicium illud generale*, cuius modo mentionem fecimus, institutum fuit ab ipso Magistro, Episcopis, Prælatis & alijs Ordinis Teutonici membris, antequam Prussi foedus contra injurias Commendatorum pepigissent. Leges dicti judicij fuerunt, ut quotannis commodo loco & tempore celebraretur: Assessores ejus essent sedecim, nempe quatuor ex Ordine, quatuor ex Prælatis, quatuor ex Nobilitate, & quatuor ex Urbibus. Vid. Schuz. lib. IV. f. 142. a. & lib. V. f. 186. b. seq. Huic iudicio deinde Cruciferi constanter contradixerunt, præsertim cum ab ipso et am Magistro ausi essent quidam ad illud appellare. Schuz. l.c. Quando verò Fratib⁹ & Statib⁹ Prussiae objiciebatur, illud iudicium ab ipso Magistro & ejus Praeceptorib⁹ esse institutum; respondebant, illud factum esse casu necessitatis urgente, ut hoc modo Nobilitas & Civitates placarentur & ad obsequium Ordinis revocarentur. Schuz. lib. V. fol. 192. & 444. Hac libertate suâ freti Prorum Legati, ausi sunt coram Imperatore, cum tempore Ludovici ab Erlichshausen causam in iudicio Cæsarî agerent, palam dicere, se minus esse obligatos Ordini Teutonico, quam Principes Imperij Germanici suo Imperatori Casp. Schuz. lib. V. Chron. Pruss. fol. 190. Et hæc fuit Regiminis Prusici facies à primo Ordinis Teutonici in Prussiam ingressu, usque ad Ludovicum ab Erlichshausen XXVIII. Magistrum Prussiae generalem, sub quo post bellum 13. annos gestum dimidia pars Prussiae An. 1466. Regibus Poloniæ cessit. Ab ipsius

G

itaque

Itaque Ordinis Teutonici in Prussia primordijs obtinuit Res-publica ex Monarchia & Aristocratia mixta. Tum enim temporis Magister cum Praeceptoribus suis Rempublicam administrabat: cum autem graviores causæ erant decidendæ, Capitulum generale habebatur. Deinde sub Michaeli Sternbergio & Paulo Belizero non modo magis cœpit imperium Prussicum ex Regno & Aristocratia misceri, cum & Nobilitati Prussicæ datus esset locus in Consilio Magistri, sed admisceri quoque cœpit Politia, cum & Ordo civicus votum in Consilio Provinciali accepisset, ut ex supra dictis manifestum est.

XXII. Sed postquam Prussia sub Ludovico ab Erlichs hausen XXVIII. Magistro Prussicæ ad Regem Poloniæ Casimirum IV. Jagellonidem An. 1453. defecisset, mutata est protrsus rerum facies in eâ parte, quam recuperare non potuerunt Cruciferi. Statim enim An. 1454. cum Consilio Prælatorum, Consiliariorum & Civitatum majorum Prussicæ, ex Nobilitate Prossica constitutus est à Rege generalis Prussicæ Gubernator Johannes à Baysen, qui nomine Regio Prussicæ præcesset. Adjuncti ipsi fuerunt more Polonico quatuor Palatini: Culmensis, Regiomontanus, Elbingensis & Pomerelliae. Schuz lib. V. fol. 203. pr. Palatinis additi fuerunt tres Castellani Culmensis, Elbingensis & Gedanensis. Cromerus lib. XXVII. pr. Neugeb. lib. VI. pag. 387. Septem itaque vota habuit Nobilitas Prussica in Senatu, septemque alia Civitates. Sed cum Regiomontum durante bello ad Ordinem rediisset, imminuta fuerunt vota. Schuz lib. V. fol. 206. Introducti etiam sunt insuper loco Commandarum varij Capitaneatus, quorum præcipuos obtinuerunt ipsi Palatini. Hæc fuit regiminis forma, in ea parte Prussicæ, quæ Regic-rat

rat subjecta bello durante; Cum verò An. 1466. pax inter Regem Poloniæ Casimirum & Ludovicum ab Erlichshauen inita, & Prussia in duas partes divisa esset, substitutus est Regiomontano Palatinatui in Prussia Regia Palatinatus Mariæburgensis, cui Joannes à Bayen abdicato Gubernatoris generalis titulo, præfectus est. Schuz lib. VII. fol. 333. Post hæc An. 1468. cum Rex Casimirus ipse in Prussiam venisset, addidit Senatui Prussico tres *Succamerarios*, quos Poloni limitum judices appellant. Constituit etiama in singulis districtibus more Polonico *judicia terrestria*, in quibus cause Nobilium disceptarentur. Schuz. fol. 336. In his judiciis terrestribus octo Scabini sive Assessores possessionati, Nobiles, Indigenæ judicare jussi sunt causas eò delatas; In Palatinatu verò Culmensi ex Consulari etiam Ordine Civitatis Thoruniensis duo Assessores electi sunt, in numerum illorum octo Scabinorum referendi, quod etiam, ut & imposterum fiat, cautum est in Jure Terrestri Nobilitatis in Prussia Regia degentis, An. 1598. correcto. Vid. Jus illud correctum tit. V. §. 21. Accesserunt deinde Senatui Prussico in parte Regia *duo Episcopi*, Warmiensis & Culmensis. Et quidem Culmensis per publica Pasta An. 1466. Subjectus est Archiepiscopo Gnesnensi ut Metropolitano suo. Vid. Januszov. lib. VII. Const. Part. III. tit. 1. fol. 874. Et Privileg. Pruss. fol. 23.b. Warmiensis autem ne nunc quidem agnoscit Metropolitatum, sed immediatè subest Pontifici Romano. Hos Episcopos, Palatinos, Castellanos & Civitatum Deputatos voluit Rex statim conjungere cum Senatu Regni Poloniæ, ita ut Consiliarij Polonici, Lithvanici & Prussici unum constituerent Regni Polonici Senatum, sed, ut de Lithvanis modò nihil dicam, nulla ratione adduci potuerunt, ut in hoc con-

sentirent, sed semper Regi occinebant, sese habere Privilegia peculiaria, consuetudines etiam peculiares, neque posse in id consentire, ut cum Senatu Polonico sese conjungant, vel cum Polonico regno unam constituant Rempubl. Quae semper à Rege contendebant, ut Rex de salute Prussiæ consultaturus in Prussiam ipse veniret, ibique cum Senatu Prussico consilia conferret: abiturus verò in Poloniā, ut Gubernatorem Prussiæ ex Indigenis constitueret. Schuz. lib. VIII. f. 346. More itaque antiquo Senatores Prussici conventus suos instituebant, etiam inscio Rege, quod tamen semper fuit à Senatu Regio, ut & Episcopo Warmiensi improbatum. Vid. Schuz. lib. IX. f. 420. b. 421. 448. 476. b. Contributiones, si quæ in Polonia sciscebantur, Prussi se non teneri aliorum decretis causati, suaque privilegia obtendentes, nihil ad extraordinarias contributiones conferre volebant. Schuz. lib. VIII. f. 372. b. fin. seq. & f. 381. a. fin. Sensus tamen eò fuerunt adducti ut Senatum Regni Pol. ingredierentur. Primus ex Prussicis Senatoribus, qui in Polonico Senatu locum cepit est Episcopus Warmiensis, quem fecuti sunt alij, forsan sub Sigismundo Augusto, ut colligitur ex Schuz. lib. X. fol. 421. Januszov. lib. 7 Constit. Part. 7. t. 1. f. 1008 Cromer. lib. 2. Descript. Polon. p. 221. seq. Circa judicia & Appellations etiam sua jura prætendebant Prussi, neque Appellations ad aulam Regiam admittere volebant. Tandem An. 1521. admittere easdem coacti sunt, exceptis causis criminalibus alijsque specialioribus casibus. Vid. Schuz. lib. X. fol. 479. Salomon Neugebauer. lib. VII. Hist. Polon. pag. 496. Suscipiebat autem Aula Regis Appellations ex Prussia usque ad tempora Sigismundi III. ut patet ex Jani Januszov. lib. VII. Constitut. Part. III. tit. 3. fol. 934. ubi Rex

Ste.

Stephanus jubet, ut causæ Prussicæ non à Tribunal i recens instituto, sed ab ipso Rege judicentur. Sed sub Sigismundo III. An. 1589. cœperunt causæ Prussicæ ad Tribunal petricovense trahi, ad quod Prussi etiam suos Deputatos mittere jussi sunt. Joan. Januszov. l.c. tit. IV. Sed manum de tabula. Recentiora enim tempora hic attingere nobis non proposuimus.

XXIII. Sed & in ea Prussiæ parte, quam Ordo Teutonicus retinuit, plurima sunt mutata. Quod enim Ordinis Magistrum attinet, ille post bellum tredecim annos gestum his conditionibus cum Rege Poloniæ Casimiro Jagellonide Ann. 1466. pacem fecit: ut partem Prussia Magister Ordinis & Cruciferi sibi haberent, eâ lege ut semper sint in fide & clientela Regum Polonorum, id q[uod] solenni jure jurando quicunque Magister Ordinis deinceps unquam creatus esset, intra sextum mensem per se ipse ad Regem veniens proficeretur: servaturus omnia qua iunc convenissent, neq[ue]nulla tergiversione & relaxatione cuiusquam sive absolutione à jurejuringando ne ultro quidem oblatâ usurui, esset q[uod] us Princeps & Senator Regni & ad levam Regis primum in Consilijs locum ac Consessibus publicis haberet: Primary quoq[ue] Commendatores quos Magister ederet, ut & ipsi Consiliarij Regis essent -- Ne cuiusquam Cruciferi praterquam Regis majestatem & jurisdictionem (salvâ Pontificie Ecclesiastice jurisdictione) agnoscerent. Et verò contra quemvis hostem adfissent, nec cum in adversis iuxta ac prosperis desererent. Vid. Neugeb. lib. VI. Hist. Polon. pag. 385. Privileg. Pruss. fol. 21 seqq. In Ordinem Magister Generalis eandem potestatem, quam antea habuerat, retinuit, illo tantum excepto, quod per eadem Pacta Polonia, ut & alijs regia ditionis hominibus

bus ad professionem Ordinis pateret aditus, dummodo q̄ d̄c-
midia parte non excederent Germanos, eorumq; etiam in Ma-
gistratibus & curationibus mandandis ratio haberetur.
Commendatoribus etiam potestas fuit adempta Magistrum
pro lubitu removendi. Vid. Neugeb. Januszov. & Privileg.
Prussica II. cc. Alias Officia Ordinis eadem manserunt, nisi
quod Hospitalarius Supremus & Trapiarius alias sedes, quam
quas antea habebant, accipere coacti sint. Deinde à Frideri-
co Duce Saxon. penultimo Ordinis Magistro Commendæ
Brandenburgensis & Balgensis fuerunt abrogatae, substitutis
tantum loco Commendatorum Advocatis; idque eō fine
factum est, ut redditus ex duabus his Commendis Aulæ Magi-
stri sustentandæ cederent. Thom. Waissel. pag. 260. b. Reli-
qui Prussiae incolæ post ea tempora in quibusdam majori-
bus aucti sunt ab Ordine Privilegijs, in quibusdam etiam li-
bertas ipsorum fuit imminuta. Conventus sine scitu Magistri
ipsis agere prohibitum. Collectas inter se, pacatis jam rebus,
exigere nulla exigebat necessitas. Quæ fuerit judiciorum
ratio jam antea dictum est. Quamvis Regiomonti applica-
tio fuerit concessa ad Commendatorem Arcis Regiomon-
tanæ, ut & ad Commendatorem magnum & tandem ad
ipsum Magistrum generalem, ut appareat ex Chronico Joannis
Freybergij MS. ad An. 1420. fol. 107. Post divisionem au-
tem Prussiae Supremum Tribunal Culmense (das Gericht
des Ober-Colms) fuit translatum Regiomontum, illudq;
jus Senatui Palæopolitano fuit ad tempus donatum, donec
Cruciferi, ut sperabant, reliquam Prussiae partem Regi Polo-
niæ subjectam recuperarent. Appellationes itaque in causis
Civilibus ad Senatum Palæopolitanum ex oppidis Prussiae
Ordini subjectis instituebantur. Sed hoc judicium deinde vi-
de-

delicet An. 1517. fuit in Aulam translatum sub D. Alberto ultimo Ordinis Teutonici Magistro. Vid. Johan. Freiberg. in Chron. fol. 285. & 286. pt. Quod Gubernatores Prussiae in absentia Magistrorum concernit, de illis sequentia notamus in Scriptoribus nostris. Cum Albertus Marchio Brandeb. inconsultis Prussiae Ordinibus in Germaniam abiisset, constituit Gubernatores Ericum Ducem Brunsvicensem, Iobum Episcopum Risenburgensem cum aliis Senioribus ex Ordine Teutonico. His videntur Ordines Prussiae contradixisse, donec tandem Alberto promiserunt, quo scunq; ille Gubernatores & Provinciae Regentes constituturus esset, illis se obedientiam praestituros. Inde Albertus ad Regem Poloniae proficisciens Regentes constituit Episcopum Sambensem, Ericum Ducem Brunsvicensem, Marchionem Wilhelmum fratrem suum, Sunnonem à Drahe magnum Commendatorem, Alio adhuc tempore abiens Regentes constituit Episcopum Sambensem, Commendatorem Magnum, Georgium Truchsessum & Thalheimium Commendatoris arcis Regiomontana Vicesgerentem, ut & tres Consules Regiomontanos, nec non quosdam ex Scabinis & plebe. Sed electi ex Ordine Civico Regentes nunquam ad Consilium fuere vocati. Tandem cum Albertus quatuordecim annos in Germania abesser, Gubernatores fuere constituti Episcopus Sambensis, Commendator Arcis aliquie. Quae omnia habet Johannes Freiberg in Chron. fol. 288. b. 328. 348-374. Ex quibus iterum appetet Rempubl. Prussicam post divisionem etiam fuisse ex Statu Regio, Aristocratico & Populari mixtam.

XXIV. Quamvis verò Pax inter Regem Poloniæ Casimirum & Ludovicum Erlichshusium Magistrum Ordinis

An.

An. 1466. constituta esset, malè tamen hoc habebat Ma-
gistros subsequentes, qui omnibus nervis contendebant, ut
jugo Polono excusso reliquam Prussiæ partem recuperar-
rent, Hinc factum est, quod Henricus Plavenius & Marti-
nus Truchsessius nonnisi necessitate adacti præstiterint Re-
gi juramentum. Et ut eò facilis Polono imperio sese
subtrahere posset Martinus Truchsessius, dedit se propterea
in clientelam Regi Hungariæ. Ex eâdem ratione Ordo sibi
in Magistrum elegit Fridericum Saxonie Ducem, ut domum
Saxoniam sibi devinciret, promptioremq[ue] redderet, ad
auxilia sibi contra Polonos mittenda. Hic Fridericus etiam
nunquam Regi Poloniæ juramento se obstinxit. Illo deinde
è vivis sublato suffectus est Albertus Marchio Brande-
burg, qui in Magistrum Ordinis Teutonici electus omnibus
viribus Poloniæ Regibus sese opposuit. Quapropter, ne
nervus rerum gerendarum desiceret, accepta à Walthero Plet-
tenbergio Magistro Provinciali Livoniæ certa pecunia sum-
mâ, quam in bellum Polonicum impenderet, Magistrum il-
lum An. 1513. planè liberavit. A quo tempore Magister
Livonicus immediate Imperatori subiectus, factus est Linpe-
rili Princeps. Dav. Chytræus in Saxon. Sed frustra h[ec] mo-
limina fuerunt omnia. Gestum est bellum, eo tandem e-
ventu, ut Albertus Marchio, Comite Eisenburgio rem infe-
liciter ad Dantiscum & Elbingam gerente, tandem speratis
frustratus auxiliis. Anno 1525. his conditionibus cum Rege
Sigismundo I. transigeret; ut Albertus Prussia partem Ori-
entalem, quam nunc Dualem appellamus, jure hereditario,
(positio Ordinis insignibus, habitu & nomine) titulo Ducis
secularis obtineret, sed Regio Imperio ut Vasallus, simul cum
Provincia subficeret, eosdem cum Poloniæ amicos hostesq[ue]
dein-

deinceps haberet centum Equites Regi contra hostes in auxilium mittaret, primum in Senatu Regio in Consilijs, Territorum Comitijs & publicis conventibus locum obtineret: Si Rex Duceat, aut contra, Dux Regem convenire vellet in causis ipsorum personam concernentibus, tum Rex Consiliarios quosdam Marienburgum aut Elbingam missos juramento quo Regi adstringuntur, absolveret & alio juramento ad justitiam judicandum obstringeret eorumque judicio utramque pars acquiesceret: Si vero quis ex Subditis Ducis actionem Duci intendere vellet, ut Consiliarii Regis & Ducis pari numero convenirent, remque juramento ut priores illi obstricti, dijudicarent: Si tandem extraneus aliquis contra Duceat actionem institueret vellet, ut hoc faceret in judicio Ducali, ita tamen ut provosatio concederetur ad Consiliarios Reges Marienburgum a Rege propriea mittendos. Nulla telonea nova vel alia gravamina contra antiquam consuetudinem in Prussia instaurerent &c. &c. Vid. Jan. Sancz. lib. VII. Constit. Part. III. tit. 1, fol. 9. 3. seqq. Et Privileg. Pruss. fol. 34. seqq.

Antiquos Patriæ fasces, veteresque Regentes,
Et magnæ Heliadum numina prima domus;
Rippi, noster amor, contractis mortibus ævi
Exhibis, atque novâ luce vistere jubes.
Nil his ruderibus, nihil illis gratus umbris;
Quin & tuus est, crede, vetusta loqui.
Nec cassus labor iste tibi; dum Sceptra Parentis
Narras, sis Sparta Prologus ipse tuæ.

Sc. gratulab.

M. J. Költingius, PP
& Elect. Al. Insp. pr.

No-

Nescio quæ miseras capiat dementia mentes,
Illa quibus tantum quæ peregrina placent
Mirantur multi Trojam, gentemque Togatam,
Mirantur Grajos Niliacosque Patres.
Quæque dedit Natale solum, contemnere mos est,
Sunt multis casu vix ea digna nuce.
Tu Patrios, Rippi, gaudes evolvere fastos
Atque cupis Patrij res celebrare soli.
Appludo; sic namque tuo præludis honori,
Quem tibi pro meritis Patria grata parat.

PRÆSES.

Turpe est Patrios patrias non noscere Leges : †
Noscere SE, PATRIAM RIPPUS hisce probat
Magna patent, majora latent, ast summa sequentur ;
Nosceret TE Mundus, Fama Virumque caneret.
† L. 2 §. 43. D. do
Orig. Jur. Amico suarissimo Imȝ. applaudit
J OH. ALBERTUS à Kreyhen.

Quæ fuerit quondam Prissorum forma regendi
RIPPIUS exactè discutit historicè.
NOS nova forma beat MAGNI sub PRINCIPIS umbra
Unius Imperium Patria nostra tenet.
Hæc primum Populi Reges curare salutem.
Hæc pariter floret, publica nostra Salus.
Pergito sic RIPPUS, methodum speculare regendi,
Ut tandem prosis, & patriæ atque Tuis.

Ita Generoso Dno. Respondenti gratulatur
HENRICUS à Wallenrodt.

